

ዒድ ሕርየት፡ አቅሊም ጋሽ-በርከ እት ባርንቶ

32ይ ዒድ ሕርየት፡ “ምስንትክር፡ ሄራር ሰባተት” እብ ትብል ሰቅራት ማሌ ለሀ የም 21 ማዕ እት መዲነት ባርንቶ እብ ነያረት ተዐየደ።

እግለ እሕትፋል፡ ሰነን መዲነት ባርንቶ እብ እዳረቶም እንዴ ትክክመው አሰራር ሕርየት እት ወዱ፡ አንፋር መርከዝ ተድራብ ኮር-መናዕ ዕፌ ዐስከሪ እንዴ ከመው፡ ደረሰ ለረዬሕ ዕፌ ክላሰቲኒክስ እንዴ አዳለው፡ ፈናኔን ህዩ ሕሽመት ሕርየት ወወጠን ለሽሬሕ ወራታት ፈን እት ቀድሞ ነወረወ።

እተ ቃይድ ሀይአት አርካን ቅያደት ጀብሀት ምውዳቅ ጸሓይ ብርጋደር ጀነራል ጸሃይ መኮነን፡ ውቁላም ሰብ ሰልጠት ናይል አቅሊም ወቅያደት ዴሽ ለሐድረዉ በርናምጅ፡ ሓክም አቅሊም ጋሽ-በርከ ሰፊር መሕሙድ ዐሊ

ሕሩይ እተ ቀደመየ ከሊመት፡ መዕነት 24 ማዕ ወራፍዐተ ለህሌት መስኡልየት ክብድት እት ወዴሕ፡ “እብ እስትሸሃድ ሕሩይም መዋጥኒን ለትረከበት ወቃልያም እንዴ ትደፈዐው ዲበ ስያደተ ለትደመነት፡ አምዕል ኤማን ወመትሰባል፡ አምዕል አጀዳድ ገለድ ወመትዳላይ እግል ብነእ ወዐማር ተ” እት ልብል ሸርሐ።

ሰፊር መሕሙድ እንዴ አትሉ፡ 32ይ ዒድ ሕርየት ኤረትርየ፡ እት ፍንቲት ወታሪካይት መርሐለት ልትዐየድ ሰበት ህለ ፍንቲት ነያረት ክም ትትህየቡ፡ ለአግደ ሒለትነ ህዩ እት አደቃብ ሄራርን እግል ትግበእ ሰበት ቡ እሊ እብ ለትወቀለ እግል ልትረኤ ወልትወራረስ ክም ቡ እት ወዴሕ፡ እብ ደረጀት አቅሊም እብ አውለውያት ጽቡዋ ለህለ ኤታን ዐማር እብ ሐት-ሐቲ ፈሰረ።

ርኢስ መመቅረሓይት ልጅነት ዓያድ ጋሽ-በርከ አሰይድ እድሪስ

ሳልሕ፡ ሸዐብ እት አግመሎት ሄራር “ካስ ሕርየት”፡ ከሞት አሰራር ሕርየት፡ አግመሎት ዳሳት መዐየ ወብዕድ እተ ለአርእየ ለህለ መሻረከት ዛይደት ወመትሰባል፡ ክምሰልሁመ ዶር ፍራስ ቅዋት ድፈዕ ኤረትርየ ወፈናኔንለ አቅሊም ሐመደ።

እተ መናሰበት፡ ዲብ ሓድር ተዋልል መጋብሀት፡ ሰባተት፡ ዐውቲ፡ ዐማር ወዐቦት ኤረትርየ ወሸዐበ ለአተርገዝ ሐዲስ ሐልየት ምስል ሰሰዒቲ እብ ሀገጊ ኩናማ፡ ናራ፡ ብዳዌት፡ ትግሬ፡ ትግርኛ፡ ወሳሆ፡ ክምሰልሁመ ድራማ መሲቀት ወአሸፃር ትቀደመ።

እምበለ እብ ደረጀት አቅሊም ለገብአ ዒድ፡ እት 16 ምዴርያት አቅሊም ጋሽ በርከ ወ216 ዓሕያት፡ ምን ክፍለት ወሬሕ ማዕ እንዴ አንበተየ፡ በራምጅ ዒድ ሕርየት እብ ነያረት ለአተላልያሁ ህለየ።

ልእኮታት አሰናይ፡ እብ መናሰበት 32^ይ ሰነት ዒድ ሕርየት



ሚርሐት ድወል ወሕኩማት፡ እብ መናሰበት 32ይት ሰነት ዒድ ሕርየት፡ እግል ሸዐብ ወሕኩመት አረትርየ ልእኮታት ነደኦ ህለው።

እብ አሳስ እሊ፡ ርኢስ ጀምሁርየት ሞሪታንያ መሐመድ ወልደሼኽ አልቐዝዋኒ፡ ርኢስ ጀምሁርየት ክሮኤሻ ዞራን ሚላኖቪች፡ ርኢስ ጀምሁርየት ጋቦን ዐሊ ቦንጎ አንዲምባ፡ ርኢስ ማላዊ ላዛሩስ ማካርቲ ቻክዌራ፡ ርኢስ ጀምሁርየት መስር ዐብደልፈታሕ አልሲሲ፡ ርኢስ ወዘረእ መምለከት ታይላንድ ጀነራል ፕራዌት ቻን-ኦ-ቻ፡ ርኢስ ጀምሁርየት ፖርቱጋል ማርሴሎ ሬቤሎ፡ ዴ ሶሳ፡ ክምሰልሁመ መልክ ሰውደየ ሰልማን ቢን ዐብደልዐዘዝ ወልይ

አልዐሀድ መሐመድ ቢን ሰልማን ርኢስ ህንድ ድሮፓዲ መርሙ፡ ርኢስ ግሪክ ካቴሪና ሳኬላርፖሎ፡ ርኢስ ፊደሬሽን ሩስያ ቫላድሚር ፑቲን፡ መልክ ብርግንያ ቻርለስ 3ይ ርኢስት ፊደራልየት ጀምሁርየት ኡቶብዩ ሰህለ-ወርቅ ዘውዴ፡ ርኢስ ጀምሁርየት ኬንያ ዊልያም ሩቶ፡ መልክ ሸዌደን ካርል ጉስታቭ፡ ርኢስ ፊደራልየት ጀምሁርየት ጀርመን ፍራንክ-ቫልተር ሽተይመየር፡ ርኢስ ትርክ ረሲፕ ጠይብ ኤርዶጋን፡ ክምሰልሁመ ርኢስ ኒከራግወ ዳንኤል አርቲግ እተ ነድአዉ ልእኮታት፡ እግል ርኢስ ኢሲያስ አፍወርቂ ዓፍየት ታመት፡ እግል አረትርየ ወሸዐበ ህዩ ረህየት ወመትቀዳም ትተምነው።

ለሚርሐት እንዴ አትለው፡ ዐላቀት ድወሎም ምስል አረትርየ እግል ጠወርት ወአደአቅቦት ክም ከድሞ አከደው።



ህካኖ፡ አንፋር መሕበር መትሰዳዳይ ምናድሊን ወመነዘማት ጀማሂር ለዐለው 32^ይ ዒድ ሕርየት ዐየደው

አንፋር መሕበር መትሰዳዳይ ምናድሊን ወመነዘማት ጀማሂር መንጠቀት ምግባይ ምፍጋር ጽሓይ ለዐለው፡ ምስል እዳራት ደዋዩሕ ፈልከት ወአይጠሐል- ምዴርየት አፍዐበት እንዴ ተዓወነው፡ 32ይት ሰነት ዒድ ሕርየት ዲብ ህካኖ ዐየደው።

ዲብለ በርናምጅ፡ዝክርያት ግድለ ሰለሕ፡ ናይ ስያሰት ወዐስከርየት መትነዛም ወወራታት፡ ተረት

ዛይደት ገቢል ዲብ ንዳል ተሕሪር፡ ክምሰልሁመ ለትፈናተ መትፋግዒ በራምጅ ቀርቡ።

መዲር ምዴርየት አፍዐበት አሰይድ አሕመድ መሐመድኑር ረጀብ፡ እግለ በርናምጅ ለነዝመው ሐቀለ ሐመደ፡ ናይ የም ዓመት ዒድ ሕርየት፡ ስያደትነ እንዴ አድመን፡ ክለ ሒለትነ ዲብ ዐማር ዲበ እንወጅህ እቲ ለህሌነ ወክድ፡ ትትዐየድ ሀለዮተ እንዴ አሸራ፡ ክል

ምዋጥን መሻረከቲ እግል ለዓቤ ትላከ።

ምንመመቅረሐት ናይለ በርናምጅ ሚጀር መሐመድዐሊ እድሪስ እብ ጀሁቲ፡ ለድዋራት ፍንቲይ ዝክርያት ንዳል ወእስትሸሃድ ክምሰል ቡ እንዴ አሸራ፡ ሰነን እዳራት ደዋዩሕ ፈልከት ወአይጠሐል ለዒድ እግል አግመሎት እግል ወደዉ ወቀይ ሐመደ።

መስኡል ‘ጀማሂር’ መንጠቀት

ምግባይ ምፍጋር ጸሓት አሰይድ ሓምድ ሐሰበለ እብ ጀሁቲ፡ እግል ተርጀመት ሕርየት ወሀደፍ ዐዳለት እጅትማዕየት እንዴ ወደሐ፡ “ ዔማት ዐውቲነ የም ልግበእ ወማሌ ወሕደትነ፡ ስሙድነ ወመትሰባልናቱ” ቤለ።

ዲብ ደንጎቤ፡ ዲብ መደት ግድለ ንዳልነ ዐስከሪ አባይ ምስል ጽዋሩ እንዴ ጸብጠየ እግል ሰውረት ለሰለመየ 3 እማት፡ ጀዋእዝ ተህየቡ።

ሐብሬ

ጀሪደት ኤረትርየ ሐዳሴ በኪት ዒድ እስትቅላል ዲብ ትተምኒ፡ ፈጅር 25 ማዕ እብ መናሰበት 32ይት ሰነት ዒድ ሕርየት፡ ጥብዐት ፍንቲት እግል ተአፍግር እኩም ክምሰል ቱ እግል ቄርኡተ ተአትአምር።

ጀሪደት ኤረትርየ ሐዳሴ

ምስትንክር ሄራር ሰባተት !

ዒድ ሕርየት፡ አቅሊም ግብለት እት መንደፈረ

32ይት ሰነት ዒድ ሕርየት ኤሪትሮፕ፡ “ምስትንክር ሄራር ሰባተት” እብ ትብል ሰቅራት፡ እብ ደረጃት አቅሊም ግብለት ዲብ ዮም 22 ማዮ እብ ነያረት ተዐየደ።

ዲብለ ሰብ ሰልጠት ሕኩመት ወጅብህት ክምስሁመ ዐዘመት ለጉብአት እሎም ጋሽ፡ ዲብ ሰታድዩም መንደፈረ ለጉብአ እሕትፋል ሕርየት፡ እብ ዝያድ 700 ደረሰ ወፈናኔን ለትዳለ መዳሊት ትቀደመ።

ኣክም አቅሊም ግብለት አሰይድ ሀብተኣብ ተስፋጽዮን

አብረሃም ዮውሀንስ እብ ጀሁቲ፡ ለእሕትፋል እግል ነወሮት እብ መቅደረት ከርስ አቅሊም ለዳለ ወራታት ፈን፡ እብ መሻረከት ደረሰ ለቀርቦ ዕፌ፡ ሳምን አጀኒት፡ ክምስሉሙ በራምጅ ዋርሳ ለሽምል መዳሊት ክምስል ጉብአ ሐበረ።

ዲብ ሐልፊዩ አሌላት፡ ጀውለት ካስ “ህያብ ሕርየት” እግል አግመሎት ለትረኤት መሻረከት ዛይደት፡ ተኣምርተ ዲብ ሄራርን ለህሌት ውሕደት ክምቱ ለአፍሀመ አሰይድ አብረሃም፡ ዲብ ለሐልፍ እብ ለዐለ ባካት ወሽዑቡ እዳራትን ወቅዋት ድፈዕ ለወደወ



ዲብ ቀደመየ ከለመት፡ ሽዑብ ኤሪትሮፕ እግል ዝያድ 80 ሰነት እንዴ ናደለ እግል ክሉ መታክል ውብቀት እብ ስሙድ ለዋጀህ ወእግል ልትዐወት ለአተቅደረዩ፡ ዲብ ፈዛዐት ለተንክብ መትዛሙ ክምቱ እት ለሐብር፡ ለዒድ እግል ልግመል ለትጸገመው ወዶር ሰኒ ለአግደው ሐመደ።

እግሉ ኩብቲ ሐመደ።

ዲብለ እብ መሻረከት ዛይደት ሽዑብ ለጉብአ እሕትፋል፡ ዕፌ ደረሰ (ክላስተኒክስ)፡ ትህልየ ቆምያት፡ ሐልየት ክምስሉሙ “ረቂቅ ሐይሊ” ለአርእሰ ተምሲልየት ለሽምል ጽብጥ ትቀደመ።

ዒድ ሕርየት፡ እት ምዴርያትመ እብ ትውቀለ ሽዑር ወጠን ወመሻረከት ገቢል ልትዐየድ ህለ።

ሄራር ሰባተት

ክል አርቡዕ ለትጠ'በዕ ጀሪደት

መዳሊያይ፡
መሐመድ እድሪስ

ለይአውት ወአርተዖት
* ዘህረ ዐሊ
* ፋዋነ ኣድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመሮት፡
ተለፎን፡ 125013፡ ዕ.ሰ.ቡ፡ 1284

ዲብ ግብለት በሐር ቀየሕ፡ 32^ይ ዒድ ሕርየት እብ ነያረት ተዐየደ



32ይት ሰነት ዒድ ሕርየት ኤሪትሮፕ እብ ደረጃት አቅሊም ግብለት በሐር ቀየሕ፡ ምስትንክር ሄራር ሰባተት እብ ትብል ሰቅራት ማሌ 23 ማዮ ዲብ መዳኒት ዐሰብ እብ ነያረት ተዐየደ።

ዲብለ ኣክምለ አቅሊም ሰፊር መሐመድሰዒድ መንታይ፡ ቃእድ ሀይኣት አርካን ጀብህት ምፍጋር ጸሓይ ኮሎኔል ጸሃሄ ወልዱ፡ ሱልጣን ረሐይተ ዐብደልቃድር ዳውድ ለብእቶም ናይ ሕሽመት ጋሽ ወብዙሕ ሽዑብ ለሐድረየ መናሰበት፡ እብ ብሎካት ጄሽ ሽዕቢ ተሕሪር ኤሪትሮፕ፡ ቅዋት ድፈዕ ኤሪትሮፕ፡ ቅዋት በሐር፡ ቅዋት ጀው ወቅዋት ቦሊስ ለትክወነ ዕፌ አሴራር፡ ዕፌ ገያድያት-ጀላብ፡ ትልህያታት ዓዳት፡ ክምስሉሙ ዕፌ ዓዳት ወፈን ትቀደመ።

ሰፊር መሐመድሰዒድ መንታይ

እት ቀደመየ ከለመት፡ “ሕርየት ተርጀመተ ክብድት ተ፡ ዝያድ ሚዛነ ህዩ ዐውል ቃሊ ጠልብ” እት ልብል ሽዑብ ኤሪትሮፕ ጀላብ ሕርየቱ ወእስትቅላሉ፡ ዐውል ቃሊ ለነሰኣ ንዳል መሪር ክም ወደ ወክምትዐወተ ወደሐ።

ዝያድ ክሉ ለትትረተብ ሰላም ወመስኩብት ክምተ እት ሽፊሕ ህዩ፡ ፈድል ውሕደት ወመቅሬሕ ሽዑብ፡ ወሩእየት ዋድሐት እት ሕር ሄራር ሕኩመት ወጀብህት ለልተንክብ ሰበት ቱ፡ ረቦዮቱ ወዝያደት ተጠውሩ እግል ሐፊ ለኢልትበህል ክምስልቱ ወደሐ።

ከለመት መመቅረሓይት ልጅነት ዓያድ ለአቅረበት አሰይደ ኣወ መሐመድ እብ ጀሁቲ፡ እሕትፋል 32 ሰነት ሕርየት፡ እግል አምጸኣት ሕርየት እብ ሐቲ

ጀሁት፡ እግል አድመኖተ ህዩ እብ ጀሁት ብዕደት እብ ሽፊሕ፡ ለትፈናተ መዳሊት እግል ገማለ ዒድ ክምስል ጉብአ፡ ወእብሊ እብ ደረጃት አቅሊም ፋዬሕ መዳሊት ጉብእ ክምስል ጸንሐ እት ተሐብር፡ ተረት ሽዑብ፡ አጅህዘት ሕኩመት ወውሕዳት ጀብህት ምፍጋር ጸሓይ ወቅዋት በሐር ፈድለ አግደዉ ዶር ክምስል ተዐወተ ህዩ አብረህት።

እሊ ክእነ ዲብ እንቲ፡ እብለፈናተ መእሰሳት ሕኩመት ወብሕተ ለዳለ ዕፌ ሰወር እብ ኣክም አቅሊም ሰፊር መሐመድሰዒድ መንታይ ትከሰተ።

በራምጅ ዒድ ሕርየት እት መዳኒት ዐሰብ - ሐረት ራስ ጎምቦ እብ ሽክል መሀረጃን አስክ ዮም 26 ማዮ እብ ዕፌ ዓዳት ወመሰቃት ዋወር፡ ቂሾት አጀኒ ወመዐረድ ሰወር እግል ለአተላላቲ።

32^ይ ሰነት ሕርየት፡ ዲብ ብሪጣንዩ ወአየርላንድ እብ ነያረት ተዐየደ

32ይት ሰነት ሕርየት፡ “ምስትንክር ሄራር ሰባተት” እብ ትብል ሰቅራት፡ ዲብለትፈናተ መዳይን ብሪጣንዩ ወአየርላንድ እብ ነያረት ወሐበን ዛይድ ተዐየደ።

ዲብ ዲብ ዮም 20 ማዮ ዲብ መዳይን ለንደን፡ በርሚንግሃም፡ ሊድስ፡ ሽፊልድ፡ ኖቲንግሃም፡ ሌስተር፡ ኒውካስትል፡ ካርዲፍ ወሃደርሰፊልድ ለጉብአት ዓደት፡ እብ ኣላፍ ለልትዐለቦ ኤሪትሮፕን ወመሳኒን ኤሪትሮፕን ሻረከው።

ዲብ መዳኒት ለንደን ዲብ ጉብአ እሕዋፋል፡ ዝያድ 6 አልፍ ኤሪትሮፕን ክምስሉሙ ሱፈረእ ወወካይል ኬንዩ፡ ሱዳን፡ ኦቶብዩ፡ አንጎላ፡ ብሩንዲ፡ ጋን፡ ሞሮኮ፡ ጊኒ፡ መሰር፡ ግብለት ሱዳን፡ ቱኒዝዩ፡ ሊብዩ፡ ማውርታንዩ፡ ካሚሩን፡ ጋምብዩ፡ ቦትስዋን፡ ሩሰዩ፡ ኩብ ወጀማይክ ክምስሉሙ ሰብ መዝ ብሪጣንዩ ሽሩካም ዐለው።

ሰፊር ኤሪትሮፕ ዲብ ብሪጣንዩ ወአየርላንድ አሰይድ እስትፋናስ ሀብተማርያም ዲብ



ቀደመየ ከለመት፡ እግል ኩሉ ሽዑብ ኤሪትሮፕ ወቅዋት ድፍዑ ሐምዴሁ ሐቐለ ቀደመ፡ እግል ሚዛን ወሕሽመት አምዕል ሕርየት ኤሪትሮፕ ምኑ ለልትወረሰ ቅየም ፈሰለ።

ርእሰ ወጠኒያይት ልጅነት ጃልየት ዲብ ብሪጣንዩ አሰይድ መሐመድ መሕሙድ ወርኢስ መዳልያይት ልጅነት ዓያድ አሰይድ ምሉብርሃን በርሄ እብ ጀሁቶም፡ እግል ዒድ ነያረት እግል ሀበው መነዝመት ወዕዙማም

ሐመደው። ለዓያድ፡ እብለፈናተ ናይ ዓያድ ወፈን መዳሊት ጋምል ዐለ።

እሊ ክእነ ዲብ እንቲ፡ ዲብ መዳይን ማንቸስተር፡ ሊቨርፑል፡ ኮቨንትሪ፡ ግላስኮ፡ ዊክፊልድ፡ ድርይ፡ ሳውዝፕተን፡ ሚድልሰብር፡ ዳብሊን - አየርላንድ ወለመስሉ ለነብር ኤሪትሮፕን ህዩ፡ ሕድ ለሽብህ ዓያድ እግል ሊደው መዳሊቶም ለአሰፋ ክምስል ህለው ምነ ኣካን ለበጽሐተነ ሐብሬ አትአመረት።


2^ይ ክፈል

ሕርየት-ጊዜ ሂደት ወወልታል

እት አርበኛታት እትለ ወቅት ለሀይ ሸዑብ ኤረትሮፕ እብ ዋወር አግቡይ ተናዚም ወእልትዛማት መጃልስ ወሚርሐት ሸዑብ ዐለ እግሉ። እብ ዋወር አግቡይ ህዬ እት ለአትጋይሱ ትረክ። አሕዛብ ሲያሰዩት ወእትሓዳት እብ ፍንቱይ እት ምድን ሰኒ እት ልትረሸድ ገይሰ ዐለ። እሊ ተጀምግጦት እሊ ህዬ ምን ግራሁ እጃቢያት ሰኒ እት ልትርኤ መጽእ ዐለ። እግል መሰል፡ ሸዑብ ብሩርመ እብ እተ ወቅት ለሀይ ለዐለው ሚርሐት አትፋዝየት እንዴ ገብእ እግሉ፡ ዶሩ ሰኒ እት ለዐቤ መጽእ ዐለ። እግል መሰል ሰኔት፡ ክሉ ቀላቅሎታት ወመዋቅል ኤረትሮፕ እት ሐንቲ ጽላል አልራቢጠ አልእሰላሚየ ትክምከመ። አልራቢጠ ክምሰል ስሜተ እግል ክሎም ምስሊምን ኤረትሮፕ እብ ሕርየት ለልትላከው ለትክምክም ተ ለዐለት። ለአግደ አሳሰ ህዬ ውሕደት ገቢል እግል ደማን ሕርየቱ ተ ለዐለት እንዴ ኢኮን ድድ ብዕድ ደያናት ይዐለት። ለአሳሲያይ ሀይፍ ናይ እሊ መሕበር እሊ እግል ሲያደት ወሕርየት



ንጉሥ ሃይለስላሴ



ሌጣ ቱ ለዐለ። እግል ክሎም ምእምንን እሰላም እት ብሩር ለሀሉ ወእት ምድን፡ መትሃማየት ሴዕ ቆሚየት እት ሐንቲህ ክምሰል ለአጽሎ ለወዴት ዕቅት ሐቅ ወመትላክያይት እብ ሰላም ወውሕደት ተ። ክምሰሉሁም ኤረትሮፕ እግል ኤረትሮፕ ህቲመ መትላክዩ መስሕ ልግበእ ወአሰሌማይ እግል ሕርየት ሌጣ ቱ ለዐለ። ብዕዳም አሕዛብ ሲያሰዩን አህዳፍ ራትዕ ለብኡም እት ወሸዮ ልትረከው ዐለው።

እሊ አሕዛብ እሊ ካልእ ለኢትጶብረቱ ዋይዲባት ከይነት ወመትፈናታይ እብ ደያናት ወቆሚያት ሳደፈዩ። ዐጃይብ ቱ ወምስትንክር!! ክሎም ሰብ ከይነት ወዋይዲባት ፈዛዐት ገቢልን እት ሀማት ወሸቀላት ካራቶም። ህቲመ ለራትዐት ቅድየትን ገባዩ እግል ለሐባልት ወሄራርን እግል ለዐናቅሮ ለትትቀደሮም ወደው። ሸዑብ ኤረትሮፕ እት ክልኤ እንዴ ከፍለው መርተፍዓት (ከበሰ) ምስል አቶብዩ ወቀላቅሎታት ምስል ሱፃን



እብ ዲን ወሉቀት እግል ልፈንጠሩ ሐዘው። ኤረትሮፕይት ሀውየት ህዬ እግል ለአሰርቶ ፈክረው። እግል እሊ ፍክረት እላመ እተ ወክድ ለሀይ ለዐለው ፈዳብያም ሚርሐት ወትርድት ፈዛዐት ገቢል እብ ቀላል ገቢይ ክምሰል ኢተአደምዕ እግሎም ካፍሐም።

እሊ ሀይፍ እሊ ልትዐውት እግሎም ህዬ፡ ዎሮት ሕዝብ ድድ እሊ ራትዕ አህዳፍ ለዐለ እግሎም አሕዛብ እግል ለአሰሶ ትጀበረው። ክምሰል ልኡክ ውላድ ጋነ ወሕማም ወለት ኩብድ ህዬ፡ እግል ሕዝብ ውሕደት (መሕበር አንድነት) ምስል አቶብዩ አሰሰው። እሊ መሕበር እሊ ክምሰል ሰበር እንዴ ገብእ ህዬ፡ እግል ክል ሐር ኤረትሪ እት ለዐንቅፍ እብ ውሕደት ምስል አቶብዩ ትላከ።

ሐቅ እሊመ ለሰብለ ከይናት ወዋይዲባት ምነ አማመ ለዐለው ሀይፍ ግረ ኢትዋለበው። እንዴ ኢልትሐለሎ ህዬ ኣዜመ ከይናቶም እግል ለአተላሉ ትጀበረው። ክምሰል ሕርያን ህዬ፡ ገሌ ዶር ዐቢ ለዐለ እግሎም ሚርሐት እግል ልቅቶሎም ወሕርየት ኤረትሮፕ እግል ለዐንቅፍ ሰተተው። እግል ሰሮም ጀርቤ ቀትል እንዴ ወደው እቶም ርዕብ ወክሳር ሰበበው። እገለ ትሩድ ሚርሓይ ውሕደት ገቢሉ ለዐለ ወእብ ክልኤ ደያነት ኩብቲ ራክብ ለዐለ ሸሂድ ዐብደልቃድር ከቢሬ እግል ልቅቶሉ ቀድረው። ክምሰሉሁም እግል አቡነ ወልደአብ ወልዴማርያም ሰቦዕ ዶል እት ረክሱ ጀርቤ ቀትል ወደው። እግል ትሩድ ሚርሓይ ምንመ ቀትለው። እግል ፍዝ ለገብእ እግል ቃልየት ቅድየቱ ላተ እግል ልቅቶሉ ኢቀድረው። ሸሂድ ዐብደልቃድር ከቢሬመ አሰክ ዲመ እት ደሚር ሸዑብ ሕያይ እት እንቲ ነብር ዐለ ወህሉ። ለእግል ፍዝ ገብእ ወጠንመ ስሜቱ ወለ ቃልየት አርወሐቱ እብ ሕሸመት እት አልባብ ገቢል ክምሰል ትነብር ወትሰብቅ ወደዩ። ህቲ ትፈንፈኑ እንዴ ኢኮን ሀይፍ ላተ ምን ግም እት ግም ለሐልፍ ዐለ ወህሉ። እብ ሕሸመት ህዬ ታእሪኩ አጅያል ልትዋርሱ ህለው።

ክሉ ለባባት እት ቀደሚሆም ትሳደደ። ኣዜመ ክምሰል ሕርያን እብ ጀዋሲስ ወመአይደቶም እብ ርኡይ ወኢትረኣ ከይናቶም ወዋይድባቶም እንዴ ኢለአትካር። እተ ናይ ዝልም ፍክረቶም መጦር ሰብ መብደእ ሄራሮም አተላለው። ቅድየት እት ምጅልስ ቅራን ክምሰል ትርኤት መመርምራይት ለጅነት እግል ትምጽእ እት ውፋቅ ትበጽሐ። እብላ ህዬ ለጅነት ምን ሐምስ ደውለት ለትክወነት እግል ትምጽእ ወምራድ ሸዑብ ኤረትሮፕ እግል ትሰመዕ ጌማም ሓለፈ እግሉ።

እለ ለጅነት እለ ምን ግብለት አፍሪቅዩ፡ ጎቶ፡ ማለ በርመ፡ ባክሰታን ወኖርወይ ለትክወነት ተ ለዐለት። ሐቅሃመ ለጅነት ራብዐይት መጽእት። ለመመርምራይት ለጅነት እት ወክድ ምጽአተ ህዬ ረብሸት ወፈውደት ክምሰል ወሲለት መትፈንግር ወመትፈናታይ ልትነፍዮ እብ ዐለው። እለ ፍክረት እለ እት ዐመል ለተርጅም ህዬ፡ ሕዝብ ውሕደት (አንድነት) ቱ ለዐለ። ለነቲጀት ላኪን ለተሐብን ተ ለዐለት። 75% “አይወ!” እግል ሕርየት ወውሕደት ኤረትሮፕ ወእትቅላሎም ትብል ተ ለዐለት። 25% ህዬ ምስል ሰብ ዝልም እብ ረሸውት ወግብርኖት፡ እግል ቃልየት ቅድየት ረኪስ ተመን እግል ልትማጠው እተ ቀድረው ወትረኣው። ምስል ሰብ ክይነት እንዴ ትጸገዐው መትሓባር ምስል አቶብዩ እት ልብሎ ልክዩ ክጅል ወሐሳር ለአሰምዮ ዐለው። እሎም ላኪን ረቢ አከይ ስምዐተ ወእት ተኣሪክ ኤረትሮፕ ንቅጠት ጸላም ከረው እንዴ ኢኮን፡ ነቲጀቶም ተኣሲር አው እግል ገቢልን ለትወክል ይዐለት። ኣዜመ ቅድየት ገቢልን ረታዐተ ወዐዳለት እት ምንቀደም ክሉ ገባይል እዲን ዋድሐት ክምሰል ጸሓይ አድሐ ሰኒ ደምቀት። እገለ ለኢትጶብረው ነቲጀት ለረከው ወሰምዐው ህዬ ክጃል ግልቡግም እት እንቶም ምነ ሐምቅ አብሳራቶም ላቱ እደዩም ይኣከበው። ዛሬሚን ሰኮብ ላሊ ወፊያነት አድሐ እንዴ ኢረክቦ እት ልትረገሶ ትረኣው። ሸዑብ ኤረትሮፕ ቃሎት ክርንቱ እት ክል አርካን ዓለም ልክዩ ሕርየት አሰመዐ።

ኣዜመ ሰብ መስለሐት ርሐም ለትክሰሶም እግል ካልእ ኣከይድስ ቀፍረው ወትሻበበው። እሊ 75% “አይወ!” እግል ሕርየት ወእትቅላል ልብል ለዐለ እግል መሳልሖም ከድም ሰበት ይዐለ። ገቢል ኤረትሮፕ እምበል ምራዱ ወኒየቱ እብ ቀሰብ ወጀብር እብ ፈፈሬሸን ምስል አቶብዩ ቀርነው። እብላ ሰልፋይ ብኡይ ከይነት ወዝልም




እት ሐንቲለ አባሪት እምብራጦሪየት እምብራጦር ሀይሌ ሰላስ እብ ሚረፍ አጅበረው እቲ ከአተው። እተ ወቅት ለሀይ ቱ ሰፊር አሚሪካ እት ምጅልስ ቅራን ለዐለ ጆን ፎስተር ደላሴ ለምሽሁረት ህግያሁ ለቤለ እተ። “ሸዑብ ኤረትሮፕ ክምሰል ዋጅብ ሕርያን ሕርየት ወእትቅላል ቱ ዐለ። እብ ሐቅመ ህቲ ልትወጀቡ ዐለ። ላኪን እግል እስትራትጃይ መስለሐት አሚሪካ ሰበት ኢከድም፡ ምስል አቶብዩ ክምሰል ልትቀረን ዋድያመ ህሌ!” ብህል ቱ ለዐለ። ወእለ ሕነ አሰክ እሊ ሃድል ኣዜ ምን አጅል መስለሐት ድወል ምውዳቅ ጸሓይ ዶልተ ከእት ጨባብ ሐቲ እተ ንትክረፍ ወንትሐኔ ህሌን። ኣዜምን ወሰብር ወዲን ህዬ፡ ሐጠርን ወሰባትን እት ሐቅ ወአማን ለአሰብት።

እለ እዲን ሐቅ ሚ ዶል ገብእ ትፈርዱ ወትሐክሙ!? እብላ ለኣዜ እንርእያተ ሐቅ አተላሌት ላቱ ህተ ወዐዳለት ወምብላስ ሐቅ ጸር ይህለዩ። እግል ዲመ አልዳይም ልትራከብ ኢመለ። አቤ! አማን! ሰላም! አይወ እለን ሰልሰልኣስ ሕሩፈን፡ ዐለም ወህተን ሚ ዶል ልትዋፊም አው ልትመቃርሐ!! ከንዶኣ ቱ ለበሊስ እምበል ሸክ።

ኣዜመ ፍድሬሸን ምን ሰነት 1952 አሰክ 1962 እብ ጭቁጣት ጨቅጠት እቲ ትቀሰብን። ወቅትመ ሄራሩ አተላላ። ሸዑብ ኤረትሮፕመ ልክያሁ እብ እስትቅላል ወሰያደት እብ ድሁር ወውቁል አሰመዐ። እግል አማንመ አምር ለዐለ ካይን ወበዐል ሱእ እብ ሐንቲ ነጋዱ በልሰዩ። እግል ዝሉም ለዐለ እግል ለአሰመዐ ኢኮን እግል ርሐመ እት ህግዩ አማን ኢጀብረዩ። አሚሪካ ወአዝናብ እት ሐብክ ዝልም ወጨቅዋ እምበል ዕርፍ ሸቀዩ እግሉ ዐለዩ። ክሉ እሊ ሕቁቅ ፍድረሸን እንዴ ትበህለ ህዩብ ለዐለ። አምዕል አሰር አምዕል እብ አቶብዩ እት ልትከዩድ ትረኣ። ዐስር ሰነት አሰር አሕድ ክምሰል ልኡክ ሳሌሕ ተክብ እት ልብላ እምበል ምነ ትመክረህት እተ ትበከኔት መትዐዳይ፡ ሐቲ ፍሬ እንዴ ኢልትሻበጥ ምነን ሐልፈዩ። ህቶመ እት ዮም ወፈጅር ዝልጥም ለአተላለው ዐለው። ክሉ ለእብ ምጅልስ ቅራን ለልትህዩብ ሕቁቅ እት ልትሻረፍ እት ድርድር (ዕስር) በጽሐ። እብላ ህዬ ቀራር 390 a v እት ኢናዩ እት ልውዕል እብ መትሻራፍ እት ካቲመ መክረህት ወመስኢሊየት ለትአረፍዕ እብ ነቲጀት ሰልቢየት አው ሞከስ መጠቅ ተመ። ለመክረህት ነቲጀት ህዬ ግድም ለተንክለ ሕርያን ሐለት እቲ እግል ልትደለል ትቀሰበ



አሰይድ ወልደአብ ወልደማርያም



ሸክ ዐብደልቃድር ከቢሬ

ሸዑብ ኤረትሮፕ። ሰሎሕ ወመሳልሐት ባባተን ትሳደደ። ሸዑብ ነገብ ወመሰርክ እብ ቅልጭምክ አትምም ለወቅቱ ኣዜ ቱ እግል ልበሎ አሰትብደው ለናይለ ወቅት ለሀይ ሸባባት።

አቤ! ግም ለእግል ኢትትቀደር ወለ ኢትገብእ ክምሰል ትትቀደር ወትገብእ ለወዴ። እግል ሕላሌ ወውጼ እዳሁ ኢህበ። እብ ደማነት ነፍስ እግል ምስተሐለት እት ፍዕል ለበደለ!! እግል አባዩ እት ምቀደም መናቢቱ ለአጅገሐ። እግል ዌራይ እብ ሞራሁ ለዛበጠ። እግል አከይ ፍርድ እት ሐቅ ለብደለ። እግል ለኢትሰምዕ እዝን እብ ሚረፍ ሕዝ ለአሰመዐ።

ኣቤ!! ግም ለእግል ዓዳት ህዩብ እዴ ወተሰሊም እብ በቲክ ሰኣየት በታተን ምን ረክሰ ምድር ለአሰረተ ወአብደ። እምበል ሐይለ ወእውድዩ፡ ትሐይለኒ ለኢለአምር ግም ለምን ሸፍሩ ከደን ለሰከን። ግም ምን መትፈንግር ገቢል መሐበሩ አሕድ ክምሰል ልትክለል ለወደ። አይወ!! ግም ማሌ ግም ኬልቃይ ዐጃይብ!!! ግም ለምን ሞት ኢግሜ። ግም ለምስል እኪት ልትመሳ። ግም ለሐሰት ምን አማን ፈናቱ!! ወልዳሬ።

ኣቤ!! ግም አበውነ ወአብዕቦታት ወሐውነ ለዐባዩ። እብ ቃልየት አርወሐቶም እንዴ ዓጭሞም ሰብረው ወእንዴ ደሞም ከዐው። እግል እለ እግል እንፈቲ አርደትን ምን ነገብ እት ሸፍር ለዓዩረው። በደል መትጠራፋይ እት ከደን መሐበር ሰነን ክምሰል ልትትክለል ለወደው። ግም ለካርተት ኤረትሮፕ እብ ደሙ ለከትብዩ ወከጠጠዩ። ግም ትልህዩ ኢኮን ወፊተ ነፍስ!! ለናይ ማሌ ግም ሰውረት፡ ውላድ በርክ ወዕባይ ሳሕል። ወሬዝ ወመንደላይ ማሌ፡ አብ ወአብዕብ ዮመቱ። ህቲ ቱ ለዐጃይብ ወደ ወገጽ ተኣሪክ ለቀየረ። ግም ዐዋቱ ለእብ ዐውቲ አፍያት ለአተ። ግም ሸሂድ ወሸሂደት ለእት ክል ዐዘቅ ወሳሰት ለተርፈ ወተርፈት። ግም ለእግል ክል እኪት ወስድት አርወሐቱ ለሰበለ።

በርሀት ሕርየት፣ ምን ውለድ ሕርየት እግል ውለድ ሕርየት

ሕርየት ኤረትሮፕ፣ በደለ ለአለበ አርወሐት ቃልየት ለነሰአት፣ እብ መራረት ግድላሁ ወወዛቡ ቅያሰ ለአለቡ፣ ናይ ደሚር ወሰን ገሮብ ሽረንገርብ ለሐድጉ ብሩርን ዲብ ከደን መላል፣ ዐዶታትን ዕሙር ዲብ ድብን እብ ሃሉ ለቀየረ ፍሬለ እብ ደም ለበቅለ ወለዐምበበ ግድላ ተ።

ሕርየት ህያብ ኢኮን። ሕርየት፣ እብ ለሀበት፣ ደም ወዓጭም፣ እብ ዐዛብ ወእስትሸሃድ፣ ዐውል ሰፍረ ወድብር፣ ዐውል ሕማም ወሐዘን፣ ወእብ ግድለ እግል ሞት ወሐየት፣ እብ ንዳል ሀለዮት ወኢሀለዮት ለትረከበት፣ ዲብ ጽልመት ዕውር ለለአበርህ ባና ዳምቅ፣ ወበርሀት ረሀየት ወመስከብት ተ። ለባርህ መሰል መስተቅበል፣ እብ ሽፋግ ልትገሌ እንዴ ሀሉ፣ እብ ኤማን ከህላት ወሰብር አርወሐት ብቅት ሞት ትትከለለ እንዴ ሀሉት፣ ለኤማን ወሩእየት ራትዐት ለዐለት እግሎም ሰቡላም ፍራሰ ተመን ሕርየት፣ ምን እዴ መስታዕምረት እንዴ ነዝዐው እብ ሐበን ወሰርገህ ኦትረፈው፣ እሎም ፍራሰ ሕርየት ዲብ አድብር ወጋድሞታት ሳሕል እብ ምጽኦት በሸረው ወእብ ሰሜተ አስቀረው፣ ለብሸራተ ዲብ ክለ አርትርየ ኦብጸሐው፣ ዲብ ልብ ክል ኤርትራ ህዩ እብ ዝክርያት ሐበን ወፍርሰት ክም ትትዘከር ወደው፣ ክምሰሌሁ ሰበት ገብኦት ሕርየት፣ ለኢትትዘቢ ወለኢትትቀየር ናይ ኤረትሮፕን ለአወላይት አሳሰ ሀለዮት ወዕዘት ተ። ሕርየት ክምሰል እንጌረት ሽራፈት ኢትትከፈል ወክም ወዝን ደሀብ ኢትትመዘን። በርሀተ ላኪን ምን ዋልድ እት ውሉድ እንዴ ትትሐላለፍ ተአበርህ።

እግል ምርክብ ለዲብ ወድነ ግድለ ታሕረር ለትጋደለ ሰቡል፣ ደሙ እንዴ ከዐ ወአዓጭሞታቱ እንዴ ሳበረ፣ ምላዐል ኩሉ ህዩ፣ ለቃልየት አርወሐቱ ሰድቀት

እንዴ ወደዮ፣ እግል በርሀ ሕርየት እት ኩሉ ለለአርኤ ወለለአሻርክ በርሀ በደለዮ። እሎም እብ ሐያትን ለህሌን ለእማንት ሕርየት ለንትከበት፣ እለ በርሀት እለ እግል ዓበዮት፣ ዲብ ሐንቴ ጽላለ እብ ወፈተ ወጠን እንዴ ትደቀብን እግል ንክደም፣ ዲብ ቅድያት ወጠን እብ ውሕደት ትርድት እግል ንሻርክ ወለትወቀለት ተረት እግል ተሀሌ እግልን ምን ኢገብኤ፣ ሕርያን ብዕድ እግል ለሀሌ እግልን ቀድር ገብኤ፣ እንዴ እምቤ ነሐሰብ ማሚ፤

እሊ ሰበት ገብኦ ሕርየት እግል ትትሐፈዝ፣ ዮም ምን ኢንትጋደል፣ ለመጽእ ለሀለ ግም እብ ከአፎ ሕርየት ወዐድ ሕርርት እግል ንሰልሙ እንቀድር፤ እሊ ቃሊ ህያብ ሕርየት እብ ከአፎ እግል ንሕፊዙ ወነአውርሱ እንቀድር፤ ለልብል ሰኣላት በሊሰ ራቴዕ ለለኦትሐዝዩ ተ።

ተርጀመት ሕርየት እብ ዋጅብ እግል ነኦምረ፣ እግል ንፈሰረ፣ ምን ጂል ዲብ ጂል እብ ገበይ ራትዐት እግል ነኦትሐላፈፈ ወነኦክብ መስኡልየት ታእሪክ ራፍዓም ሀሌ። እሊ እግል ኩሉ ኤርትራ አክል ሕድ ለከሰሰ ጋር ክምሰልቱ እግል ንትሀመል አለብን። ሕነ ክምሰለ እብ ሰሜት ሕርየት ሸዐበን እንዴ ቀሸየ ለለኦትባድየ ወለለኦመሰክነ፣ ዲብ ሀድፍ እስትዕማር እቅትሳድ ለልትከረዮ ሕሸመተን እብ ዐውል ረከሰ እንዴ አዝበዩ ለረምቀ፣ ርዝቅ ወምደት እዴ ሰብ ምውዳቅ ጸሓይ ዐለም ለለኦትቃምተ፣ እብ ሰብብ ኢሀለዮት እዳረት ዓድለት ለልትዐዘቡ ወክምሰለ እብ መግሀፍ ወእብ ፈሳድ ወኦትባዳይ ዲብ ተማስ አከጃህ ወአከይ-ሐበን እንዴ ትሸመመየ ለልትዐዘበ ድወል እንዴ ኢእንገብ፣ እብ አማነት አላፍ ሹውሀዳእ ለትከለብን ሸዐብ ሰበት ሕነ፣ ሕርየትን ዲብ



ቤዕ ወዕሸረ ኢኦቴናህ። ሕነ ክም ሸዐብ ወወጠን፣ ክምሰለ ዲብ ሸረክ እስትዕማር ለኦተየ ድወል ብዕዳት፣ ገበይ በደ ዲመ ወመስተቅበል ጽልሙት ኢሐፊነ ወኢታሌ።

ሕርየት እግል ትርከበ መራር ወእግል ትሕፈዛመ፣ ዐቅል፣ ካህላት ወመትሰባል ለተሐዘ።




ምን ፈተ አርወሐት እንዴ ትባልሐነ ወሪምነ ለኢልትሐለል ግድለ ተሐዘ። እሊ ሰበት ገብኦ፣ ሀለዮት ዕጹማም ወሰቡላም

ሚርሐት ሸዐብ ሌጣቶም እግል ለአሰቡተ ለቀድሮ። ሕርየት እብ ካህላት ወእብ ኤማን ሳብት ዲብ መብዳእ ሕጡሞ ሰበት መጽኦት፣ አዜመ እብ ኤማን ሳብት እግል ትትሐፈዝ ቤ። ሕርየት እብ እብ ውሕደቱ ለልትፈረግ ገቢል ወእብ ቡቲክ ሰኦየት ለኢልትሐመው ሚርሐት ወሸዐብ ሌጣቶ ደማንት

ክለ ሐሊትን እንዴ ሰበልን፣ እብ ኩሉ መቅደረትን ወልብን፣ እብ ውሕደት ምን እንከድም ሌጣቱሉ፣ አማነት ሹውሀዳነ ለተምም ወዐድነ ለትትሐሸም ወትትዐመር። ክምሰሊሁ ምን እንወዴቱሉ፣ ናይ እቅትሳድ፣ እጅትማዕየት ወናይ ሰያሰት ሕርየትን ወእስትቅላልን እንዴ ተሐፊዝዩ እግል ልምበረ ለቀድረ።

ሹውሀዳነ አማነት ሐድገው እግልን። ሕነ ህዩ እግል አማነት እንዴ አተረድነ እግል ንጽበጠ ወኦተላላየ እንዴ አከድነ ዲበ መጽእ ለሀለ ግም እግል ነኦልፈ፣ ናይ ታሪክ ወደሚር መስኡልየትና ተ። እለ ዛልመት ዐለም እብ ዶል-ዶሉ ሕርየትን ወሐቅ ሰያደትን እግል ትንዛዕ ምኒን ሚ ኢወዴት፣ ከም-ወክም ዛህር ወድብዱብ ከይናት ወሐርብ ተዐለነ ዲብ፣ እብ አትፋርሆት ወመኔዕ ዝልም እግል አጅገሐትን ትጀረብ፣ ናይ ዲብሎማሰየት፣ እቅትሳድ ወሰያሰት መናወራት ወረበርብ ደዓያት ረኤነ ወሰማዕነ፣ ኤረትሮፕን እንዴ ሰክበው ወቀሰነው ዲብ ዐዶም እግል ኢልትዐለሞ ወኢልንበር ቅያሰ ለአለቡ ከይናት ትሸፈተ ወተሐበክ እግሎም፣ ክሉ ለአፍዓል ከይናት ላኪን ክል ኦሮትክ እብ ወክዱ እብ ኤማን ወሰባተትን ትፈለለ ወገጽ ናይለ አባያምነ ላቶም ጀሃት ዲብ ሕመት ከሌዕ ትቀየረ ከጸልመተ።

“ሞረ አማን ትቀሞን ሊኢኮን ኢትትሰበር” ክምሰለ ለልትበሀል፣ እብ አዜመ ወቅት፣ ብዞሕ እግል ለአርኤነ ወለአስመዐና ተ። ሕና ላኪን አዜመ ዲብ መብዳእና ሓጣም ሀሌ። እግል ለገብኦት ትግባእ ዐዳወት እንዴ እንዳፈዕ፣ ረኤነን ቀደም እግል ነኦሳድር ተ። መንዴረት፣ እተ ለህሌት ዲበ ታክያት አማን፣ እብ ለትወቀለት ደረጀት እግል ተአምበልብል ተ። እግል እብ ግድላነ ለአከድናህ ወለሐፊናህ ገበይ ሕርየት፣ እብ “ምስትንክር ሄራር ሰባተት” እግል ነኦደቅበ ወነኦተርዳ ተ።



ዝያረት ርኢስ ኢሰያስ አፍወርቂ ዲብ ጀምሁርየት ቻይና

መዳያይ ተግባር ፍረዝ ወኒወሰ ሩም

እተ ሐልፈት ሳምን ዲብ ቻይና ዝያረት ርሰምየት ወዲ ለአሰመነ ርኢስ ኢሰያስ አፍወርቂ፡ እት ምህም አካናት ወመአሰሳት ዝያረት እንዲ ወዲ፡ እት ሸርከት ወክሰአት ርኢስማል ለረከዘት ህድግ፡ ምስል ለትፈናተው ሰብ-ሰልጠት ናይለ መአሰሳት ወዲ።

ርኢስ ኢሰያስ እብ መመቅረሐት ወሽቃለ እንዲ ትተሉ፡ እት አፍረየት ሸርከት ባዮቴክኖሎጂ፡ ክምስልሁመ መጃላት ጣቀት እብ ለትፈናተው አፍረዐቱ ረኢ ወእብ ክሰሉ ሸፊሕ ተህየበዩ።

መሰኡል መአሰሳት ከደማት ጣቀት ‘ዶንግፋን’ ሚስተር ዩ ፔይጂን፡ ኤራትርያ እብ ባተ ሚዘት ወአርዛቅ እግል ቻይና ምህመት በዐል ሸርከት ክም ትርእየ እት ለሐብር፡ ክምስል ክፋል ናይለ እግል ዝያድ 80 ድወል ለትህይቡ ክዳማት፡ እት ኤራትርያ ክሰአት-ማል እግል ሊደው ዱሉያም ክምስል ህለው ሸርሐ።

ርኢስ ኢሰያስ አፍወርቂ እብ ጀህቱ፡ ባጽሓሙ ለህለው ተጠውር ሐቆለ ሐመደ፡ እምበል ወጀዶት ጣቀት ተጠውር ሰበት አለቡ፡ ለመአሰሳት ዲብ ኤራትርያ እግል ልግበእ ሱቱት ለህለ በራምጅ ዐማር እብ ጎማት፡ ተእሂል ወማል እግል ትሻርክ ዲቡ ለመንገአት ክስትት ክምስል ህሌት እት ለአክድ፡ ዐዘመቱ ቀደመ።

ሐቆ እሊ ርኢስ ኢሰያስ ወምስሉ ጋደስ ለዐለ ሐሽም ልኡክ፡ ክፋል እድንያይ ውርስ ዓዳት ላቱ ናይ መስየ መሸርዕ ዱጅያን ግያንዮም በጽሐው። እሊ መሸርዕ እሊ ህዬ እት ዓለም ለትወቀለት በቃዐት ሆንደሰት ለቡቱ።

ርኢስ ኢሰያስ ወምስሉ ለሳፈረው ውዘረእ፡ እት ብእክ ክባራ፡ ጽርግያታት፡ ዘበናይት ስከት-ባቡር ወተዕዲን ለከድም እት 250 እድንያይ መሸርዕ ጣቀት ማይ፡ ዋወር ንዛም መዋሰላት ወአግቡዩ ክምስልሁመ እት ኤራትርያ እት መሸርዕ ክሉሊ ትሸቂ ለህሌት ‘መአሰሳት ብእክ ሹዳም’ እተ በጽሐ እቱ ወክድ፡ ምስል መሰኡ’ለ መአሰሳት ሚስተር ታንግ ዩንግ ትፋህመ።

መሰኡ’ለ መአሰሳት እተ አሰመዐየ ከሊመት፡ “እብ ሰዳይት ሕክመት ኤራትርያ፡ እትለ ሰነት ጎነ ለዐቤት ፊራሮ ክሉሊ እግል ተአንብት ቱ” እት ልብል፡ እለ እት ፍንጌ ኤራትርያ ወቻይነ ለዐቤት ክሰአት-ማል፡ ዕላቃት ክልኢተን ድወል ዝያድ ለትአደቅብ ወደማን ለበ ክምተ ሸርሐ።

ርኢስ ኢሰያስ፡ ለገአት እሉ ሕድርኖት ዲበ እት ለሐምድ፡ እት ናይ ወክዱ መሻፊዕ እግል ትትፋህም ጋር ምህም ክምቱ እት ወዲሕ፡ እት ተዕዲን ክሉሊ

ውብዕድ ድዋራት ለህለ አርዛቅ እግሉ ለትገብእ፡ ምነ አካን ተዕዲን አስክለ ለቀርበት ሚነት ለትትመደድ ስከትባቡር እት ሸፍገ ወክድ እግል ትትብኔ ትወሰ።

ለትትብኔ ስከት፡ እትሳላት፡ ብንዩት ተሕትየት ሚናት ወጽርግዩ፡ ምን 60 አስክ 80 ሰነት ለትአሸቂ እድንያይት ደረጃተ ለዐቅበት እግል ትግበእ ክምበ ትፋኒ።

መመቅረሐት መአሰሳት ‘ክሰአት-ማል ሹዳም’ እብ እንክርም፡ እግል ክሉ ለሸቅል ዱሉያም ክም ህለው ወእት መደት ሐጫር ለወራታት ክም ለአክቡቱ አከደው እሉ።

እሊ ክእነ እት እንቱ፡ እት ጀምሁርየት ሸዐብ ቻይና ዝያረት ወዲ ለአሰመነ ርኢስ ኢሰያስ አፍወርቂ፡ ምስል ውቁላም ሰብ-ሰልጠት ናይለ ዐድ ለወደየ ህድግ ዲብ ለአተላሌ፡ አስክ መዲነት “ፔንዱ” እንዲ ጌሰ ምስል አሚን ዓም ሕዝብ ሹዲ አቅሊም ሲሺሁዋን ዋንግ ሺያሁን፡ ወምስል ሓክም አቅሊም ህዋን ኪያንግ አምሐበረ።

እተ ህድግ ወዘር ዋንግ ሺያሁይ፡ እብ ሰሚት ሕዝብ ሹዲ አቅሊም ሲሺሁዋን እግል ርኢስ ኢሰያስ “አሰናይ ደሐን መጽኦክ እት ልብሉ፡ ዲብ ቻይና ለወደየ ዝያረቱ ወምስል ርኢስ ሺ ጂንፒንግ ለወደየ መፋህመት ረሓብ፡ ታሪካይት ዕላቃት ኤራትርያ ወቻይና ለትአደቅብ ወትጠውር ክምተ ወደሐ።

እት ቅደይ ታይዋን ወሆንግ-ኮንግ ምን አየድከነ ነሐምደክ” ለቤለ ወዘር ዋንግ፡ እት ሱዳን ነዐር ክም ለዐ፡ መዋጥኒን ቻይና እብ ገበይ ኤራትርያ እብ ሰላም ክም ፈግሮ ምን ወዲኩም፡ ሸዐብ ወሕኩመት ኤራትርያ ሐምዴ ተአሰትህለኩም ቤለ።

ወዘር ዋንግ እንዲ አትሉ፡ ርኢስ ኢሰያስ እት አቅሊም ሲሺሁዋን ለወደየ ዝያረት፡ እግል ምስል ርኢስ ሺ ለትበጸሐ እትፋቅ እንዲ ደረዐት፡ እት መሰተቅበል እግል ተህሌ ለበ ዕላቀት ክልኢተን ድወል ክም ትወቅል ሰአየቱ እት ሸፊሕ፡ አቅሊም ሲሺሁዋን እት መትቀዳም ብንዩት ትሕትየት፡ ሐርስ ወሰያሐት እግል ልትሳዲ ዱሉይ ክምቱ አከደ።

ፍንቲት ዕላቀት ኤራትርያ ወቻይና እት አፍራቀ ለሸርሐ ርኢስ ኢሰያስ እብ ተረቱ፡ 14 አውለውያት ዐማር ኤራትርያ እብ ተፋሰል እት ቀድም፡ ርኢስ ሺ ፈዓልየቱ እግል ልታቤዕ ክም ትወሰዩ እት ሸፊሕ፡ “ክሰአት-ማልኩም ፈጅር እንዲ ኢጉብእ ዮም እግል ተአንብተ ትቀድሮ” እት ልብል እት ቀበት ምን 5 አስክ 10 ሰነት ለህለ ትልም ሄራር ዐማር ዋዴሕ እግል ትእቱ ሰአየቱ ሸርሐ።




ርኢስ ሺ እግል ሕሽመት ርኢስ ኢሰያስ አፍወርቂ ለወደየ መናሰበት ከብቱ ወሕድርኖት፡ እብ ናይ ሕሽመት አሲራር ዐስከርየት፡ ውቁል ወራታት ፕሮቶኮል ወ21 ኢነት ለክፍ መዳፌዕ ለተሉት ክም ዐለት ወክል ውዛረት እዕላም ምን ኬን ሐበረ።

ኤራትርያ ወጀምሁርየት ቻይና ርሰሚ ዕላቀት ዲፕሎማሲየት ምን ለአሰስ ወእንሰር፡ እለ ዮም 24 ማዮ፡ 30 ሐለን ለአደውረ ህለዩ።

ርኢስ ኢሰያስ አፍወርቂ እብ አሳሰለ ርኢስ ቻይና ሺ ጂንፒንግ ለወደየ እሉ ዐዘመት ለምን ዮም 14 አስክ 19 ማዮ 2023 ለእት በይጂንግ ውብዕድ ምህም አካናት ጀምሁርየት ቻይና ለወደየ ዝያረቱ እንዲ አትመመ አልዐስር ዐዱ አቅበለ።

ወዘር ካርጅየት ኤራትርያ አሰይድ ዐስማን ሳልሕ፡ ወዘር ማልየት ወዐማር ወጠን ዶ/ር ገርጊስ ተክሌሚካኤል ወወዘር ተጃረት ወሰናዐት አሰይድ ነስራዲን መሐመድ ሳልሕ ምስል ርኢስ ኢሰያስ አሰክ ጀምሁርየት ቻይና ሰፋራም ዐለው።



ምስትንክር ሄራር ሰባተት!

ምስትንክር ሄራር ሰባተት!
ጅውለት ርኢሰ ኢሰያስ እት ቻይና



ዲዛይን- ታእዛዝ ኣብርሃ
ስወር- ሳሌሕ ዓብደልቃድር

ሸባብ

ነጃት ዑሳማን



(2^ይ ወናይ ደንገበ ክፋል)

ሰላል፡ አሰይድ መ/ሰረድ ሐሰን ዐንፈራ ሕርየት እብ ቀሊል ኢኮን ለማጽሐት። ከዲብ እሊ ረክቢክ ሚ ቱ?

በሊሴ፡ ክምለ ቤልናሁ ሸባብ እምብል ዲብ ህሌኑ ለቢኦቶም እግል ኖሰ ቢኦት ንዳልተ። ክሉ ለህጃክ ናይ ዐዶም እብ ሰበት ንዳል፡ እብ ሰበት ታሪክ፡ እብ ሰበት ውሕደት፡ እብ ሰበት ዓዳት ናይ ዮም ወማሌ ለዐለ ወለህለ ሰበት ዳግሞ፡ እግሎም ክሉ ለዐለ እንዴ ትወረሰ ዲብ ደረጃት ዐባይ እንዴ በጽሐናቱ ክእኒ ዲብ ክርሲ ሰላም ወመስኩብት እንዴ ትገሊኑ ንትሃጀክ ለህሌኑ። እሊ ህዩ ለበዳር ሕርየት አምጸአው መናድሊን እሎም ቶም ዮም እንዴ አውረሰው እብ ታሪኩም ሕቡናም ዲብ እንቶም ነብር ህለው፡ ከታሪክን ዕላመትናቱ፡ ንትሐበን እቡ ወእተ እሊ ጌሰን ምን እንገይስ እግል ታሪክ ኤረትርየ ለልዕሬ ኢሀሌ። ክል ደውለትክ ናየ ታሪክ ቤ ላኪን ናይነ ታሪክ ወስሙድ ለልትጃገር ህለ ኢመሰለኒ።

ሰበቡ እግል ኤረትርየ ለአስተዕመረው መስተዕምረት ሸዑብ ኤረትርየ ወሰውረቱ እብ ኮፎ ከም ጋብሆም ዲብ ዐለም አካኑ አትአመረ አምባል ኦርት ለሰዴነ ወአብሸርኩም ለልብሰነ እንዴ ይእንረክብ እብ ፈራሰትነ ወዳይመት ውሕደትነ ሕርየትነ ዲብ ሸፍር እንዴ ዴረት ዮም እግል ተጠውር ናይ ወጠነ ተሐይሰ ተሐምቅ ዲብ እንብል ህሌነ ሐር ሸባብ ኤረትርየ እብ አሮት እትጃህ ኢኮን ለሸቆ እዳሁ ሐቱ ዲብ ተዕሚር ወለ ካልኣይት ዲብ ልትዐለሞ እባቱ ከድሞ ለህለው። ከአፍካር ሸባብን ወዓመተን ሕኩመት ኤረትርየ እበ ራትዕ አግቡይ ሚርሐተ ኮፎ እንዴ ወዳካቱ ለአጅያል እለ ሕርየት ልትዐለም ወእብ ዕልም ከም ልጠወር ለሸቆ፡ እስትራተጂ አው መንህጅ ተዕሊም እንዴ ፈግረ እሎም ቶም ሸባብ አምባል ርያል ወተዕራፈት እብ ተዕሊም ዲብ ለአሳድሮ ዲብ አግቡይ ተዕሊም ሰፍፍ እንዴ በዋሮ እንረኡ ህሌኑ ድወል ዓለም እግል መዋጥኒን እብ ቅወት ማል ቱ ለአደርሳሆም ወዳውያሆም። ዐድነ ኤረትርየ ላኪን

ለነአሸት ደውለት ወእብ እቅትሳደ ለደዐፈት ዲብ እንተ፡ ክል መዋጥን አምባል ደፍዕየት ማል ከም ደርሰ ወልዳዊ ትወዴ። ሰበብ ናይ እሊ ሚቱ እንቤ ምን ገቢኡ፡ ክሉ ማልነ ዲብ መሰለሐት ዓፍየትነ ወተዕሊምነ ሰበት ልውዕል ቱ ወለ አስክ ሳወ ወውቁል



ሐርስ ገርሰት

ደረጃት ተዕሊም ለደርሶ አምባል ለገብአ ከሳራት ደርሶ። መሰለን ዲብ ሳወ እብ ደረጃት ወጠን ቶም ለመጸኦ ክሉ ለእሉ ለሐዘቱ ምን ሕኩመት ቱ አምባል አሰፍ በለዎ ወሰቱ ወሀመቶም ሀመት መስተቅብሎም ትገብእ። አሮት ሚ እብለዕ ወእሰቱ እንዴ ቤለ ለለሀምም ደረሳይ ኢልትረከብኒ። እሊ እግል ኖሱ ለዐበ ወለ ሐሰ በዐል በክት ላቱ ረክቡ። አነ ምስር ጋይስ ዐልኮ ክሉ አዳም እግል ልትዐለም ወልትዳዊ እብ ማሉ ኢልትዐወትኒ። ሐቆ ከም አትሐላይ ወአትፋታይ ወማል እንዴ አብለዕካቱ ለትዳዊ ወደርሰ። ከሕነ ሸዑብ ኤረትርየ ሰኔትነ ምን ውላድነ ሰበት ገብኦት ለእሉ ደፍዐነ ዐውል ቃሊ ናይ እስትሸሃድ ሕቡናም እቡ ሕነ። እስትሸሃድ ምን አጅል ሰያደት ምን አጅል ሸዑብ ወሰያደት እለ ወጠን ለትደፈዐ ቃሊ ዐውል አዜመ እብሎም ናይ ዮም አጅያል ዲብ ልትደገም እንርእዩ ህሌነ ሰበት እሊ ታሪክነ ለይበሌ ወኢልትረሰዕ ወእግል አጅያል እግል ነኣትዋርሱ እብ ቀልብ ናሰሕ ወደሚር ላጽሕ፡ አምባል ሕላሌ እግል እሎም ዮም ለህለው ሸባብ ከም ወሩሱ ምን እንወዴ ዐባይ መርሐለት ወገብኦት እብል።

ሰላል፡ ዲብ ዐድነ ኤረትርየ ምን ሕርየት እንዴ አንበተ ከደማት

እጅትማዕየት እግል ወጀዶት ብዙሕ አብላር ትባሰረ ሚ ወሚ ከምክም?

በሊሴ፡ ምን ሕርየት አስክ ዮም ለህሌናሁ ወቅት ዲብ ወጀዶት ከደማት እጅትማዕየት ለትበጸሐት ምስዳር ቀላል ኢኮን። ለከደማት ዲብ ምድን ዐባይ ሌጠ ለዐለ ዮም አስክ ብሩር ረዩም እንዴ ኢተርፍ አካን መድረሰት ወዕያደት ለአለበ ይህሌት። አዜ እሊ እግል ኖሱ አዩ መዋጥን ዓፍየቱ እግል ትደመን ወእብ ተዕሊም ዲብ ትወቅለት ደረጃት

እግል ልብጸሐ እንዴ ትበህላቱ ወእብ ፍንቱይ ዲብ ውዛረት ዓፍየት እግል ደማን እም ወውላደ ለገብእ ደራሳት ወመራቀቡት እብ ቀሊል ለልትረኡ ኢኮን። ከሰበት እሊ ዮም እብ ሰበት ከደማት እጅትማዕየት ለለአትሃጌ ብዙሕ ህለ እግል እበል ይእቀድርኒ የምክን ዲብ ገሌ ሐድ ወመረ ምን ቅያስ ወለዐል ረይም ለገብአ አካናት ምን ኢገብእ ብዙሕ መሻክል ናይ ከደማት እጅትማዕየት ህለ እግል እበል ሸወየ ክቡድ መሰል ዲብ። ከአዜ ወእሊ ክሉ እብሎም ሸባብ ዮም ዲብ ክሉ መጃል ናይ ዐማር ወጠን ሻርኮ ለህለው እብ ፈድሎምቱ ለትረከበ ክሎም ምስል ተብዑም ወአንሶም እግል ዐማር እለ ወጠን እብ ሕበር ምህሮቶም ምን ሰደውቱ ለእለ ፍገሪት ርክብት ህሌት።

ሰላል፡ እሎም አጅያል ሕርየት ለእንቤሎም ሸባብ እግል ልድረሶ ወዲብ ዐባይ መርሐለት ልብጸሐ ሚ ጅህድ ገብእ ህለ?

በሊሴ፡ አቤ! ቀደም ክሉ እግል ነኣምረ ለህሌት እግልነ ወጀዶት ከደማት ሌጠ ኢኮን። አወል ወቀደም ክሉ ለሸዑብ ለከደማት ገብእ እሉ ክሉ ዲብ ሐቱ አካን መትከምካም ለአትሐዘቱ፡ እግልሚ ለከደማት ሐቆ ትወጀ ሸዑብ ምስል ንዋዩ ዲብ ክል አድብር ወሳሳት ሐቆ ትፈንጠረ ለዐቤት ምሽክለት እግል ትሳድፍ ቀድር። ከእሊ ዲብ ወግም እንዴ አቱነ ለኢትከምከመ ሸዑብ ከም ልትከምከም ወውላዱ ዲብ ጢሾ ተዕሊም ከም ልትዐገሎ ወሕሙመ ምን ቅሩብ ከደማት ዓፍየት ከም ረከብ ወዳኑ። ሐቆ እሊ ምን አጅኒት ነኣይሸ አክልኦይ ዐድድቱ ዲብ ረውዳት ለይአተ ሕፍዝ ከም ወዳነ ዐደድ ብዙሕ ትረከቡ። ወእሊ ሕፍዝ እሊ ሰኒ ነፍዐ እግል ክሉ ሸዑብ ዲብ ከደማት እጅትማዕየት እንዴ ትከምከመ ዕልም

እግል ልጣልብ ወእብ ሰበት ዓፍየቱ ካፊ መራቀባት እንዴ ረክበ ሐያቱ መርሕ ወውላዱ ለአደርሰ ህሌ። አዜ እሊ ሚ ለርኤክ ለተዕሊም ለዘቱ ተማም ተአመረት ወላመ ከደማት ዓፍየት እግል ክሉ መጅተመዕ ዐቢ ዶር ከም ህለ ለሸዑብ ዝያድ ፈሀመ። እሲት ምን ትወልድ ዕያደት ዲብ አፌት ወጅነ ፍድኢቱ ቅሩብ ዲብ ነሰእ ዮም እግል ክሉ ሕማማት ምን ቀበት ዐድነ እንዴ ፈግረ ዲብ ደረጃት ዑፋይ መዋጥን ባጽሓም ህሌኑ። ከሰበት እሊ ቱ መትከምካም ሸዑብ ዲብ ሐቱ አካን ዲብ ተዕሊም አጅያነ ተረት ዐባይ ከምቡ ለተአክድነ የምክን አዜመ ለኢትከምከመ ሸዑብ እግል ለህሌ ቀድር። እሊ ላኪን ሐድ ዐደድ ቱ። ወእንሻለህ ላመ ኢትከምከመ ታርፍ ህለ ገቢልነ ዲብ ደረጃት ሰኔት ወንዩት ናይ መትከምካም ሰበት ህሌት፡ ዲብ መርሐለት ሰኔት በጽሕ።

ሰላል፡ ጌማም ዐማር ወጠን ምን ሕርየት አስክ ዮም ለህሌናሁ ወቅት አክልኦይ አውቂን እግል ኒበል እንቀድር?

በሊሴ፡ ዲብ በርናምጅ ዐማር እግል ንጌምም ሐቆ ገኦነ ናይ አማን ዲብ ደረጃት ሰኔት ህሌነ እግል ኒበል እንቀድር እለ ቃልየት ወጠነ እብለ ትፈናተው መስተዕምረት ድምርት ከም ዐለት ለልዘከርቱ ከምን ሕርየት አስክ ዮም ለበጽሐናህ ደረጃት ብእኒ ወተዕሚር ቀላል ኢኮን የምክን እሊ አነ ለአምሩቱ እብ ደረጃት ወጠን ሚትሸቀ ወሚተርፈ ዶል ልትጌመም ላኪን፡ ዲብ ሓለት ሰኔት ከም ህሌናቱ ለለአርኤ። ብእኒ ወተዕሚር ዐማራት



አሰይድ መሐመድሰረድ ሐሰን ዐንፈረ

ለዲብ ክሉ ንትዐወት አዜመ እንዴ ተዐወትነ እሊ አጅያል አርዛቁ እንዴ ሐንፈለ ሰኔቱ ምን ወጠነ ወኪሩ ዲብ ሸፍሩ ከም ገብእ ሸክ አለብዩ። በስ እብ ሰብር ወክሃለት ሌጠ እትፋኔ እግልሚ እግል ትክደም ወትሸቁ ወትትዐለም ሰኒ መሪርቱ እግልሚ ወቅት ረዩም ሰበት ጠልብ ኢልትበጸሕ መሰል እትኑ። ላኪን ለኢትትበጸሕ ይህሌትኒ ኤረትርየ አርዛቁ በረ ወበሕረ እግል እሎም አጅያል ሕርየት ለእንቤሎም አጅያል እግል ልረይሕ ከምቱ ይንትረሰዕ።

ሰላል፡ እት ደንገበ እግል ሸባብ ሚ ልእክት ተሓልፍ እሎም?

በሊሴ፡ አነ ሚእብል መሰለኪ፡ እግል ክሎም ዲብ ቀበት ዐድ ወካርጅ ለህለው ሸባብ ኤረትርየ እለ ወጠን ምንሕት ናዮምተ ብጽሐቶም ሌጣ ሰበት ገብኦት ከመ እሉ ወዱ ህለው እግል ልብነ ወልዳዮም ምን ወፈጀር አሰቡሕ ወርሰ ናይ እሊ አጅያል ከምተ እግል ልትረሰዩ አለዎም። እግልሚ



መድረሰት ርክብ

ብንዩት ሌጠ ኢኮን ክለ ለህሌት እከ ቅድረት አዳምከ እብ ተዕሊም ዲብ ትወቀለት ደረጃት ዶል ተአበጽሕ ለዐቤት ዐማር ወጠንተ እግል ኒበል እንቀድር። ዲብ መጃል ዓፍየት ባጽሓም ለህሌነ መርሐለት እግል ኖሰ ለደቀበት ዐማር ወጠንተ እንብል። ወለ ዲብ ውዛራት፡ መአሰሳት፡ ወለ ትፈናተ መአሰሳት እብ ቅድረት አዳምነ ለህሌነ ዲብ ደረጃት ቀላል ኢኮን ወእግል ኖሱ ዲብ ዐድነ ኤረትርየ እንዴ ትሸቀ ዲብ ደማንት ነብረ ዐባይ ተረት ዋዲ ለህለ ከዛናት እብ ቀሊል ወአትናኣሽ ለልትረኡ ኢኮን። ዲብ ሐርስ ለቡተ ደረጃት ሰኒ ዐባይተ። ከእትሊ ዘበናይ ሐርስ እግል ትትዐወት ማይ ዋሰዕ ለአትሐዜ። ወማይ ዋሰዕ እግል ልትረከብ እሊ እሉ ዳብጣም ህሌነ አግቡይ ናይ ዐውቱቱ ወእንሻለህ ከመ

ዳሊመን እብ ዐውል ቃሊ ለመጽእ ሸይ እግል ትህምሉ ኢወጅብኒ። አዜ ልትህመሎም እንዴ እቤ ኢኮን ላኪን አትፋቅድ ህሌኑ። እግል ንትህመል ወለሰድት ዐለት ምህሮት እግል ትርሄ ከም አለበ አመሮት ለትሐዜ ኢመትሐሳርመ ለለአርኤ ይትሐገሎኒ። ወጠነ ሕሸመትነ ወሰሚትነ ወእብ ደም ሸባብ ለማጽሐት ሰበት ቱ፡ አዜመ ለህበት ሸባብ እግል ተዕሚረ እግል ትሕዜ ከምቱ እግል ነኣምር ህለ እግልነ። ክል አሮት ዐቢ እብ አውረሶት ታሪክ ወምክር፡ ወንኡሽ እብ ዶሩ ዲብ ዐማር ወጠን ወዐቂብ ሰያደት አሮቱ ከ ህሌኮ ሊበል። እለ ሐቆ ወዳናቱ ለዕውታም ዲመ እንገብእ ወዲብ ዐባት ወተጠውር ገጽ ቀደም ነኣሳድር ከረቢ እብለ እማነትነ ላተ ወጠነ ልሰዴነ አምባል ወጠን መንበረት ሰበት ይህሌት ወሹክረን!



ትርበትኑ ምን እግለ ወዲበ (1ይ ክፈል)



ዲብ አሌላት 32ይ ዲድ ሕርየት ህሊኑ። እለ መናሰበት እሱ ኩሉ ምን አርወሐት ቃልየት። ማል፡ ገሮብ፡ ደሚር፡ ፍዕል፡ መስተቅበል ወብዕድ ለእንምልኩ ክትብ አውመ ርዝቅ፡ እለ እግል ንርኩብ፡ ዲበ እግል ንሸንን፡ እብ ሰሚተ እግል ንምሐል፡ ሐንቲ ጽላለ እግል ነአጽልል፡ ወዲብ ሕሸመት ሲያደተ ወዲቅቢታ፡ ክምሰለ እግል ምርካብ ለደፋዕናሁ ዐውል እግል ንድፋዕቱል፡ ሰነት አሰር ሰነት፡ እግል ገማለተ ወግርመተ ለንትዐንደቅ። ምን ሰነት ዲብ ሰነት ህዬ፡ እግል ቀሎተ ወግርመተ ለሸፊሕ መትዳላይ ፍንቱይ እንወዴ እግለ።

ፍንቲት ዲድ ሕርየት የም ዓመት፡ ክምሰለ ኩሉ አምረ ለሀሌ፡ ለምነ ዕላመት ኤማን፡ ሰባተት፡ ውሕደት፡ እስትሸሃድ፡ ምስክነ ወሰአየት ሕርየት ታ'መት ላቲ ሰዋትር ነቅፈ ወእብ ፍንቱይ ምን ህቲ ወሰብኡ ሕልም መስታዕምረት ለአድነው፡ ወሀቶም ለሸነው ወለአሸነው ዲቡ ደብር ደንደን ለትብገሰት ሸልገትለ ትርበት ቃልየት፡ ምን ክል አቅሊም ወምዴርያትክ እንዴ ልትወሰክ ዲቡ ዲብ ኩሉ አቃሊም፡ እብ ምድር፡ እብ በሐር ወእብ ሰመ፡ ሄራሩ ለአተላሌ ለሀለ ካኦስ “ህያብ ሕርየት” ቲ።

የምክን ብዝሓም አንፋር “እሊ ሚበሀለት ቲ።” ለልብሉ ለሀሌ ገብኦ። ሕነ ውላድ ሚን አደም፡ ምን እለ

ትርበት እለ ትክለቅኑ፡ እብ ፍሬ ብቃለ እነብር፡ ምን ለዛሬ ማየ ንትሐነክ፡ ሸማለ ነአተንፍሱ ኩሉ ምስጢር ሀለዮትን ለዳፍን መቅጠነ እንከይድ፡ ዲበ ነዐምር ወእንበኔ፡ ወአሰክ ዲብ እድንዩ ህሊነ ዲበ ነአጽልል ወእነብር።

እለ ለሊሐዜ፡ ሰርጎህ ለለሃት፡ ርዝቀ ለዘምት፡ ሰላመ ለሊሐምርግ፡ ሰብኦ እግል ለአብዴ ወለአሰርት ለነው፡ ልባሰ ሕሸመተ ለመልዋጥ፡ ክርን ሰብ ሐላለ እግል ልልገም ለሰትት፡ ጅንሰየተ ወታሪክ አሰለ እግል ልምላሕ ለሊሐዜ አባይ ዶል መጽእ ህዬ፡ እግል አድሐኖተ እብ ሕብር ንትብገሱ፡ እንዴ እንረኤ ወእንሰሚዕ ዲብ ሃይሞት ሕፍን ንትከሚ፡ አራውሕነ እግለ ህተ ለትጠልቡ ዐውል እንሰብል፡ “ርከቢ ወኢትሕገሊ!” እንዴ እምቤለ አሰግደትን እግለ ሰሉል አሰዩፍ መስታዕምረት እንመድድ፡ ጀላበ መራር ወረያም እንክህል፡ እብ ኤማን፡ ሰባተት፡ መብዳኢን ሕጡጥ ወእብ ውሕደት፡ ልትሐለፍ ለኢመሰል አሰቡር ግምጩይ ወመሐለኪት ከይነት ወደብኢት ንትዐዴ፡ ጅሌል ወረሳሳት እብ በሰዋትን ወአፍ-አልባብን ንትከበት፡ ዲበ እንመይት ወእንቀትል፡ እግለ እንመስክን፡ ደምነ ዲበ ልትከዴ፡ ለህበትን ይቡሰ ተአጠልል፡ ሐለት ውሕደትን ዳሐን መስተቅበለ ተአደምን፡ እማነት ሀለዮተ ወሰላመ ወዐማረ ምን ግም-

ዲብ ግም እንዴ ነዐዴ እንወርሰ ወነአወርሱ ወዲብ ደንጎበ ህዬ፡ ሐንቲ እለ ትርበት እለ ንትቀበር።

ምን ሐረስ እሊቱለ ሕነ ኤረትርዩን፡ “ወድ ሚን-አደም እግል ልሕሰብ ቡ ወልፈክር፡ ዐውል ክምሰል አለቡ እምበል ምድር” ለእምብል። ማዕነት ወሀደፍ እለ ዘዐት እለ ምን ጽባብሕነ አክል ሕድ ሰበት ነአምረ፡ ለለአስትህለ ተመን ሀለዮተ ወአተላለዮተ መገደም ዕርቡን ለእንደፊዕ እግለ። የምክን፡ ዲብ ክዱን ርዝቅ ምድር ለቀለ መዓድንቱ ልትብህል። ደሀብ፡ ወርቅ፡ ነሐሴ ፖታሹ፡ ብትርል፡ ሉል፡ ጀውህር ወዩራንዩም፡ ለቀለ መስል ዲብን ገብኦ። ምናተ ምን እሊ መዓድን እሊ ወለዐል ለቀሌት፡ ለእሉ ለትወልድ ትርበት ቲ። እግልሚ፡ እሊ መዓድናት እሊ ውላድ ትርበት ወለትርበት ህዬ እም ወላዲት ቲ። ዲብ ሕያደም መክሉቃትመ፡ ለቀለ ወድ አዳም ቲ።



ምናተ፡ ወድ አዳ'መ እለ ንትሃጌ እበ ለህሌነ ትርበት ትቀትል ዩ። እብ ከአፎ ምን ልትብህል፡ ሕነ ለሐቲ ወበደለ ለአለበ አርወሐትን ጀላብ እለ ትርበት እለ ሰድቀት እንወድዩ። ለጀላብ እት ልብሎ ዲብ ምድረ፡ ባሕረ ወአሰክመ

ዲብ ሰማህ ቢዛህ ለገብኦ ፍራሱ፡ እብ ፍርሰነ ወሐጠር ዋጅቦም ወጠኒ ሐቆ አትመመው፡ ደሚርም፡ ፍዕሉም ወአማነቶም ለኢኦን አርወሐቶም ምሰለ የም እብ አርወሐትን ዲብ ረአሰለ ትርበት ለህሌነ ኢትነብር። ለእግለ ለሐልፈው ትርበት ላኪን፡ ማሌ ቀደሚሆም ዐለት፡ የም ህሌት ወእግል ዲመ ለሀደክ ምን ለሀይ እንዴ ወርሰ ለትነብር ቲ።

ከእሊ ኤረትርዩ እብ ተማመ ደርው ለሀለ ካኦስ “ህያብ ሕርየት” እለ ተርጀመት ቀሪ እለ ለለጽብዋ ወዲብ አጅያል ልእከት ክብድት ለለሓፍል ቲ። ምናተ ለትርበት እብ አፋህ ሰበት ኢትትሃጌ ክምሰለ ማዕነት ቀላል ለበ እግል ትምሰል አለበ። እት ቀበትለ ትርበት፡ ትንፋሱ ደም፡ ዓጭም ወእማነት ህለዩ። ለትርበት ላኪን ለትትሃጌቡ ንሳል አለበ። ለንሳላ፡ ለዐለ፡ ለሀለ ወምን እለ ወሐር ለለሀሌ አጅያል፡ ወእብ

ወማንራራብ በሐርነ እንዴ ካይድ ዲብ ሐርብ ካቲመ፡ አሰርለ እብ መታክል ጠቢዐት ብርካን ደንካልያ ወዋራይ ለተአበሸል ሐፋነት ጸሓየ ወለ ምልሆይ ጋድሞታት እንዴ ኢተክሉም፡ ሕርየት ኤረትርዩ እብ ተማመ እብ ታሕረር ዐሰብ ለበሸረው መሐርበት እንዴ ካይድ፡ ማሌ ቅሩብ ዲብ ወራር ዕድር ደንሰ ለዐለ ታሪካይ ድፍዓት ድሕቱም ወቡሬ፡ ሹብር ምን ትርበትን ክም ኢነህይብ ለአሰበተው ፍራሰ መውርሰት ወዌርሰት ለትሰበለው ዲቡ አካናት ታርክ፡ ዲብ ሰዋርት ጀብህት ዐሊተነ መራብ፡ ርሽም እምባሴረ ወዐይን፡ ወዴሽ ወያኔ እንዴ ከምድ፡ ሚርሐቱ ጅቦት ክጅል ወውጸዴ ለሰምደው ዲቡ ሰዋትር እግራ-መክል፡ ጽባብት ሳልሳይ ወራር ወያኔ በልቀት ዐላል ሐጠር ወፍርሰነት ሸዐብ ኤረትርዩ ወቅዋት ድፍዑ ለኬደት ዲቡ ዐዲ በጊዶ፡ እንዳ ገርጊለ ወጸዕዳ-ቀላይ እንዴ ሐልፈ፡ ፈውሊነ፡ ማይ-ድመ፡ ያበል፡ ሞልቂ ወሸምብቆ፡ እንዴ ኬድ፡ ዲብ ሰልሲቲ ወራራት ወያኔ

ዐቅድ ገለድ አማነኦት ዲብ ሕድ ለእንቃርን፡ ሕነ ለዮም ለህሌነ ሰብ እለ ምድር ምስትንክራት ፍርሰነት ቲ። ቀሎት እለ ትርበት እለ ሰበት ነአምርቱል፡ “እብ ምድር ኢኦን ፍሱ እብ ሰረፍራፊት እብ ሰማ ለገይስ ጨበል ምድርን ኢነአህይብ!” እንዴ እምቤ ለነአትሳቅር ወእንምሕል።

ለእለ ትርበት እለ ለጸብዋ፡ ዲብ የም 24 አፕሪል ምን ነቅፈ ለትብገሰ “ክኦስ ህያብ ሕርየት” ሰዋትር ጀብህት ቅብለት ሳሕል፡ ድን ሰውረት ለዐለት ምዴርየት አዶብሐ፡ ናደው ለትቀበረ ዲበ ወሐለት እስትዕማር መራካት እንዴ ነቅዐት ክም አቅሀመት ለበሸረት ዐሾርም፡ ሰገ ወዓጭሞታት 400 አብርያእ እብ ሰለሰል ደባባት ለትኩተፈ ዲበ ሸዕብ፡ ባነ አስመረ እንዴ ልርኡ፡ ዲብ ሐመልማል፡ ጋሓያት፡ ቦንሰፒሮ ወኩብይ ሐንቱለ ትርበት አማነት ለትደፈነው ዲበ ጀብህት ግንዳዕ፡ ፍራሰ ሰሊነ ወቀማን ገበይ ስጋለ ዲብ ሐርብ 77 ወዐመልየት ፈንቅል፡ እግል ሹሀዳእ ሕርጊን ሐቀለ አተድዑ፡ ለጀላብ እለ ትርበት እለ ዲብ በሐር እስትሸሃድ ቃሊ ለትደፈዐ ዲቡ ገዛይር

ዓሰርታት አላፍ ዴሽ ወያኔ፡ ሰማድ እለ ጭንጫይ ለኢነአትገሴ ዲበ ትርበት ኤረትርዩ ለገብኦው ዲቡ፡ ሰዋርት፡ ገዝ-ገረሰላሴ፡ እላለ፡ ደምቡ አሰመረ፡ ዐዲ-ብግዲ፡ ዴደ ላዓል፡ ዴደ ታሓት፡ ሰምበት፡ ገምሀሎ፡ ወለት ገምሀሎ፡ ደጅነመ፡ ዐድ-ማእለል፡ ግርመ፡ መቃድሾ፡ ብያረ፡ ጸሊም ረአሱ ወብዕድ እንዴ ካየድ፡ እተ በርሀት ጸሓይ ዐዳለት ወኤማን ወሰባተት ሸዐብ ኤረትርዩ ወሓዩት ቅዋት ድፍዑ ለበርቀት ዲቤ ወደሓይ ዌራይ ንዛም ወያኔ ወመናቢቱ ምድር አደሐ እንዴ ህለ ክም ጸልመተት ዲቦም ለአከደት ባድሚ እተ ለበጽሐ ዲቡ ወቅት፡ ለትከለቀት ማዕንወየት ወጠንዩት፡ ሐበን ወፍሽ ናይ ሸዐብ ወዴሽ፡ ለእብ ሐያትን ምሰዐል እለ ትርበት እለ ለህሌነ ሰብ ለዐል፡ ወለ-ለትርበት ላብሳም ለህለው ሰብ ተሐት ፍራሰ ሹውሃዳእ እለ ምድር ሐላል ለለአትራክብ፡ ወገለድ አምነት ለለአጀድድ ዕፌ ፍንቱይ ዐለ። እለ ትርበት እለ ህዬ፡ ክል ዶል እሊ እት ፍንገ ለሐልፈ ወለሀለ አጅያል ለነአትዩ ገለድ ሕጡጥቱል፡ ዲመ ፍርሀት፡ ክጅልት፡ ወሕብንት እንዴ እንተ ለለክነብረ።





ጽሕፍት ሕርየት

ምስትንክር ሄራር ሰባተት!



ለዘት ሕርየት

ዕዛል አምሱይተ - ወሽማል ብሩድ ናይ ግውሐት
 ቅዱይ ትንፋሳተ - ሕሙም ሳሬ ወአርወሐት
 ህተ እግል ትትረከብ - ህደም ነዩድነ እብ ረሐት
 ሰኒን አንጎን - ለዐል እምቤ ወተሐት
 እግለ ክም ረከብነ - ጸርነ ጠፍሐ ረአሰ ቀሐት፤

ገቢል ምድሩ አቅበለ - ልርጄ ህለ ወዳብር
 ዓይለት ትሰሐት ወትዳግም - ምስል እንዴ ተምሐብር
 አፍያት ስርጉይ ትርኤ - መሓዛት ዳሊ ወአድብር
 ምዶል ልግሄ ወለሀምም - እት ሕርየት ለኑብር፤

ለኢደርሰ ተዐለመ - ከትወቀለ እብ ሸሃደት
 ሕሙም እግል ልትሳሬ - ትብኔት እግሉ ዕያደት
 ፍንጡር ለዐለ ተአከበ - ምን ሕድ በደል ልትሸተት፤

አግቡይ እንዴ ሰነ - ክም ምራድነ እንሳፍር
 ላመ ክልኤ ግዋሬ - ሕድ ተአትሄዴ ወትካፍል
 እግል ብነእ ወተዕሚር - አግቡይ ዐቦት እንቀፍር፤

ትውዕል እምበል መውዕላይ - ምንሕት ለእግለ እንሸፍል
 መስከብት ተ ሕርየት - ኑብር እተ እብ ንዩት
 ምነ ልዋዕም አለቡ - ዔማት ዓፍየት ወረሀየት፤

ለዘት ለእግለ ነአዳውር ርክብት ኢኮን እብ ቀላል
 እኪት ርእያም ወመራር - ጀለ እለ ማል ሐላል
 ከለዘተ ነአዳውር - ወንዕቀብ ምን ወራር
 ወሻመ ዲመ ኢብዴ - በዲር ምኑይ እት አሰራር፤

እብ ሰሜትኩም ሸነንኮ

ሸንሀት አነ እቤ - ሸንሂት ልብዬ ሚ እሰትር
 ሸንሀት አነ እት አድማይ - ለአረዌኒ ዶል ቀዋር
 ወሸንሀት አነ እት ዓጭም - እተኬ እቱ ወእበዋር
 ሕግዝት አነ ዲብ ትንፋሰ - ሐሶሴ እቡ ወእበቅል
 ሐቆ እሊቱ እቤ - ለክርንቼ እወቅል
 ወሐቆ እሊቱ እቤ - ለራየቼ እሰቅል፤

ኢፈንቴኮ እትኩም - አንሰ እት እብል ወተብዐት
 ክሉ ልትገንገአኒ እቤ - ጋሻይ ልግበእ ወበዐል ዐድ
 እት መሕበርዬ ትከለሎ እቤ - ክም ድላለት ዶል ረብዐት
 ኢተዓርቁኒ እቤ - እግል እግመል ክም ደብዐት
 ዐስተር እብ ጊም ገደቦ - አምዕል ክም ቀውዐት
 ለዶል ለሃቱ አንዋርዬ - ጀህራይ ኬመ ወሰብዐት
 ሰኒ ደምቅ እቤ - አሰክ ፋኑሰ ወሸምዐት፤

እንቱምመ አመርኩም ተግባብዬ - ለእለ ጠምዐኩም አለቡ
 እሊ ጽዱቅ ምድርዬ - ማኑ ገአኩም ወገለቡ
 ነጹፍ እት ፎፍኖ - አስቴኩኒ ሐለቡ
 አትሌኩኒ ምን ተዋብ - እንዴ ተዐድጎ ወጂቡ
 ግራይ ምኑ ሀብኩኒ - ወዐራጊ ምን ጂቡ
 ወገርብ ቃሊ ሀብኩኒ - አርወሐት እት ብዲቡ፤

ሐቆ ብዙሕ አንጎጋይ - ታውረት ለኢትተወር
 ሐቆ እኪት ወመራር - ወክብድት ለኢትጸወር
 ሐቆ አላፍ እስትሸሃድ - ለአፍያት እግል ልትነወር
 ሓደርኩኒ እት ሸፍር - ከዕንታቼ ፈዝዐ ምን ዐወር፤

ሐበንኩኒ ተሐበኖ - እምኩም ሻነት ወልደት
 እንትም ምንዲ ትሰበልኩም - ቤዘ ጀላብ አርደት
 ናሽፈት ለዐለት ሻከትመ - ሰኒ ተንከረት ወበርደት
 ሰኒ ጸግበት ለበልዐት - ወማይ ሰቴት ለአርደት
 ገቢል ለሐልፈት ዳገመ - ምን ሸንኬኩም ለቅደት፤


እብ ሰሜትኩም ሸነንኮ - ዌርሳይ ወወድብክር
 ናይኩም ላተ በናተ - ለእለ ትወዱ ምስተንክር
 ኢትከዩደት ሐረቼ - ምን ዋሬኩም እብ ክል እንክር
 ወኢተሐምረገት ሰላምዬ - ምንዲ ዜድኩም እብ ፍክር
 ወኢትበደርኩም እት ጎማት - ምን ሀደግኩም እብ ምክር፤

ሀለዮትኩም እግልዬ - አሸነኒ እት መንበር
 ተሐሉ እቤ ወትሰንቁ - ቤሰዓይ ትብሎ ወሸምበር
 እት እድንዩ ትሌሌኮ - እብ ራየቼ ዲብ እትሐበር
 እለ አነ እሸንን - ወእብ ሰሜትኩም እትከበር
 እት ጀላዬ ሐለፍኩም - ገበይ ግምጨት ወሰበር
 ወዮምመ በሸሩኒ - እብ ፋል ሰኒ ወክበር፤

እብ ሰሜትኩም ሸነንኮ - እለ አነ ሕርየት
 በዲር እት ጀላዬ - ወዮም ጀለ ሰያደት
 ሴመ ኢገሰርኩም - አሰል ብኩም ወዓደት፤

ንኡሽ ለዐለ ደረረ - እብ ሰሜቼ ዐለለ
 እግል ዐማር ትፈረረ - ከሐረቼ ዐመረ
 ጠምጠምዬ አዳወረ - ምድር ክምሰል ተሐረረ፤





ካስ ሕርየት ፍረቅ አትሌቲክስ አቅሊም ምግብ ተ'መ

****ፈረቅ መረብ-ሴቲት ወምዴርየት አባሻውል ሀረሚት ገብአው****



ፈደሬሽን አትሌቲክስ አቅሊም ምግብ፡ እግል ገማለት 32ይ ዓድ ሕርየትን እግል ሐቱ ሳምን ወድዩ ለአስመን ጅግራታት ፍረቅ አትሌቲክስ ተመ።

ለጅግረ ዝያደት መሻረከት ጀላብ እግል ተሀሌ እቱ፡ እት ስለስ መጃሚዕ በሀለት ጅግረ ዌርስት ወበዲል አትሌታት፡ አትሌታት ገዳይም ወጅግረ ስር መራቶን በሀለት 21 ኪሎምትር ለሸምል ዐለ።

እት ጅግረ ዌርስት አትሌታት ዕምር 12-13 ሰነት እት 50 ምትር አዋልድ 1ይት ሩታ መንግስትአብ ምን ጎዳይፍ፡ 2ይት ሉልያ ዑቅዛድር (ሰምበል)፡ 3ይት ቤተልሄም ፍሰሃይ (ገዛባንዳ)፡ ወዲብ ነፍሰ ለመሳፈት ምን ውላድ - 1ይ ሲኖዶስ ሀብትአብ (ጸጸራት)፡ 2ይ ሰራፍኤል ተክሊት (ፓራዲዞ) ወ3ይ ሚክኤል ብርሃኔ ምን (በሪኽ)ተወደተው።

ዲብ 100 ምትር አዋልድ - 1ይት ምስጋና ተሰፋአለም (ገዛባንዳ)፡ 2ይት ቤትኤል ዮናስ (ጎዳይፍ)፡ 3ይት ራሄል ሐጎስ (በሪኽ) ልትወደተ እት ሀለዩ፡ ምን ውላድ ሀይ ኬብሮን ብርሃኔ (ጸጸራት)፡ ያፌት መሐመድ (ፓራዲዞ) ወሳሙኤል መድሃኔ (ገዛባንዳ) ተወደተው።

እት ናይ 200 ምትር አዋልድ - 1ይት ማርታ ክብሮም፡ 2ይት ማርያ ጉይትአም ክልኢተን ምን ፓራዲዞ፡ 3ይት ምስጋና ተሰፋአለም (ገዛባንዳ)፡ ወምን ውላድ ሳይሞን ዮሴፍ (አባሻውል)፡ አቢኖር ተክሌማርያም (በሪኽ) ወኤልሆም ተሰፈሚክኤል (ጎዳይፍ) ትነሰረው።

እት 400 ምትር አዋልድ - 1ይት ማርታ ክብሮም (ፓራዲዞ)፡ 2ይት ማርያ ጉይትአም (ፓራዲዞ) ወ3ይት ቤትኤል ሰለሙን ምን በሪኽ፡ ምን ውላድ አማንኤል ተሰፎም በሪኽ፡ ሳሚክ ጎይትአም አባሻውል ወሲኖዶስ ተወልዴ ጎዳይፍ ዕዉታም ሀለው።

ጅግረ ገዳይም አትሌታት እት ናይ 100 ምትር አዋልድ - ናኢሚ ዮናስ - ጸጸራት፡ ሶልያና ገብሬሂወት ጸጸራት፡ ሚሪ በርሄ - አባሻውል ምን 1ይት አስክ 3ይት እት ልትወደተ፡ ምን ውላድ ሀይ

1ይ አቤል ሳምሶም - ጸጸራት፡ 2ይ ዳዊት ሀብቶም - ጎዳይፍ፡ ወ3ይ ኖህ መሓሪ - ጸጸራት አተው።

ዲብ 200 ምትር፡ ሶልያና ገብሬሂወት፡ ናኢሚ ዮናስ፡ ሚሪ በርሄ ሰልሲተን ምን ጸጸራት ዕዉታት ሀለዩ። ሕድ እበ ሽብህ ዳዊት ሀብቶም - ጎዳይፍ፡ ኖህ መሓሪ - ጸጸራት፡ ወአቤል ሳምሶም - ጸጸራት ናይ ውላድ ጅግረ እቱ ለትነሰረው ቶም።

እት ናይ 400 ምትር አዋልድ፡ 1ይት ቤትኤል ገብሬሂወት - መረብ፡ 2ይት ሰገን ይብራህ - ፓራዲዞ፡ ወ3ይት ዮሳን መሓሪ - ጸጸራት እት ለአትዩ፡ ምን ውላድ -1ይ ሴም ዘርአይ ብሪኽ፡ 2ይ ብላል ጃምዕ - አባሻውል፡ ወ3ይ ጽንዓት መብራህቱ -ምን ፈረቅ አትሌቲክስ ሓምላይ።

እት 800 ምትር አዋልድ - 1ይት ፈሸን ተክሌማርያም - ምግብ መዲነት፡ 2ይት ፋዋመ አሕመድ - ምን ፈረቅ አትሌቲክስ ሓምላይ፡ ወ3ይት ሰገን ይብራህ - ፓራዲዞ፡ ምን ውላድ ሀይ ናትናኤል ሀብታይ - ሸርከት ብኦስ ሰገን፡ 2ይ ሴም ዘርአይ በሪኽ፡ ወ3ይ ብስራት ፍሰሃይ - ምን ፈረቅ አትሌቲክስ ሓምላይ ዕዉታም ሀለው።

እት ናይ 1,500 ምትር አዋልድ፡ ሮዘ ሳሌ፡ ማርያ ዐለ ወሊድዮ ኢሳቅ እብ ለሐሰት ፍገራት ሰልሲተን ምን መርከዝ ተኦሂል አትሌቲክስ መረብ-ሴቲት ምን 1ይት አስክ 3ይት እንዴ ገብአዩ ልትወደተ ዲብ ሀለዩ፡ ምን ውላድ 1ይ

ናይ እለ ሰነት ትልህያታት ፕሪመርሊግ፡ ለምን ሰልፋ እት ልትደቀብ ልሄርር ለዐለ ፈረቅ ማንቼስተር ሲቲ ልሰዕ ክልኤ ትልህያ ታርፋቱ ዲብ እንተገኑ እት ሐልፈት



ማንቼስተር ሲቲ ካስ ፕሪመር ሊግ ዶልነሰኦ

ሚልዮን አብረሃም - አባሻውል፡ 2ይ ናትናኤል ሀብታይ - ሸርከት ብኦስ ሰገን፡ ወ3ይ ብስራት ፍሰሃይ - ምን ፈረቅ አትሌቲክስ ሓምላይ ተወደተው።

እት 3,000 ምትር አዋልድ፡ 1ይት ድያን ሺሻይ - ፈረቅ ሓምላይ፡ 2ይት ፍርቱና ማእከሌ - ጎዳይፍ፡ ወ3ይት ድያና ሀይሌ - በሪኽ ተወደተው። ምን ውላድ ዳዊት ክፍሎም - አባሻውል፡ ሳምሶም ተሰፋገርጊስ - ፈረቅ ሓምላይ፡ ክምስልሁመ ሄርሞን ገብሬብርሃን - ሸርከት ብኦስ ሰገን ዕዉታም ሀለው።

እት 5,000 ምትር አዋልድ - ፍርቱና መእከሌ - ጎዳይፍ፡ ኮከብ ዳኒኤል፡ ዲና ዮሴፍ ምን አባሻውል ሰልፋዶት እት ፈግረ፡ እት ነፍሰ ለመሳፈት ምን ውላድ ሀይ 1ይ ዳዊት ክፍሎም - አባሻውል፡ 2ይ ሄርሞን ገብሬብርሃን - ሸርከት ሰገን፡ ወ3ይ ሳምሶም ተክሌገርጊስ - ፈረቅ አትሌቲክስ ሓምላይ።

እት ናይ 10,000 ምትር 1ይት ቅሳነት መልኦኬ - መርከዝ ተኦሂል መረብ-ሴቲት፡ 2ይት ድያና ሀይሌ - በሪኽ፡ 3ይት ኮከብ ዳኒኤል - አባሻውል እት ልትወደተ፡ ምን ውላድ ሀይ 1ይ ሚሮን ተክሌአብ ምን ሸርከት ብኦስ ሰገን፡ 2ይ ቅዱስ ክፍሎም - ምግብ መዲነት፡ ወ3ይ ፋኑስ ወልደርፍኤል ምን መርከዝ ተኦሂል አትሌቲክስ መረብ-ሴቲት እንዴ ገአው አሸብረቀው።

እት ጅግረ ስር መራቶን ሰኦየት ለቡ አትሌት ሚሮን ተክሌአብ ምን ሸርከት ብኦስ ሰገን፡ ዝያድ ስር ናይለ ጅግረ ኖሱ እት ዋልዩ አወላይ እት ፈግረ፡ 2ይ አሌክሳንደር ታዩ - በሪኽ፡ ወ3ይ ሀይ መሰል ሰኔት ላቱ አትሌት ሄኖክ ተሰፋይ ምን አኻርየ ዕዉታም ሀለው።

እብ ዕመማይት ፍገራት ለጅግረ፡ እብ አዋልድ መርከዝ ተኦሂል አትሌቲክስ መረብ-ሴቲት፡ እብ3 መዳልየት ደሀብ፡ 2 ፍደት ወሐቱ ብሮንዝ ካስ ሕርየት ሰነት 2023 ልትሆገለ ዲብ ሀለዩ፡ ምን ውላድ ሀይ ምዴርየት አባሻውል እብ4 መዳልየት ደሀብ፡ 2 ፍደት ወሐቱ ብሮንዝ አወላያም ፈግረው።

ፕሪመርሊግ፡ማን-ሲቲ ሻምፕዮን ገብአ

ሰንበት ዐባይ 21 ማዮ እግል ቼልሲ 1-0 እንዴ ቀልቡ፡ ካስ ፕሪመርሊግ ምውሰም 2022/2023 ትሆገሎ።

ወራታት ርያደት 'ጀብሀት ምፍጋር ጸሓይ' ለአተላሌ

ሳምን ርያደት ቃዕደት ጀብሀት ምፍጋር ጸሓይ እት መዲነት ባጽዕ ትተላሌ አስመነት። እት ትልህያታት ኮበራት እግር አዋልድ፡ ፍልፍል እግል ሰዱሕ-ዔለ፡ ወረኣስ-ዱሚረ እግል ኮከን ቀዩሕ እብ ሕድ ለትሸብህ ፍገራት 2-0 ቀልበያህን። ምን ውላድ እት ኮበራት እግር ፍልፍል ወመረብ እስልፍ ሩኩባም ዐለው።

መረብ ሀይ፡ መተልህያይ ሪሞንዲን ዘርአይ እበ ሰጃለዩ አሮት ጎል 1-0 ተወደተው። ደርቦም እት ገብአት ትልህያ ኮከን ቀዩሕ ወሰላም እት ልትዋጅሆ፡ ኮከን ቀዩሕ ሐቅ ዕርፍ እብ ኣሮን ዑስማን ወተሰፋይ ሺሻይ ለአተዎም ክልኦት ጎል፡ 2-0 ቀልበው።

እምበልሁመ ከሚስ እት ገብአ ትልህያታት፡ አዋልድ እብ ኮበራት እግር፡ ኮከን ቀዩሕ እግል ሰዱሕ ዔላ 1-0 እት ቀልባህን፡ ፍልፍል እግል ረኣሰ-ዱሚረ 5-0 ሀበያህን።

እሊ ክእነ እት ሀለ፡ ካልኣይት ደውረት ሳምን ርያደት 'ቃዕደት ተወርዋሪ'መ እት ሚዳን ሊባን ትልህያታት ዋድየት ክም ዐለት ምኑ ለበጽሐተነ ሐብሬ ተኣክድ።

እት ኮበራት እግር አዋልድ፡ ፈረቅ አልጌና እብ ወደኒ ገብሬመስቀል ክልኦት ጎል እንዴ አተዩ፡ እግል ፈረቅ ዘረ 2-0 ተወደተዩ ዲቡ። ወደኒ ሀይ ለሐሰት መተልህያይት ትሰሚት። ሐቅህንመ ፍረቅ ኮበራት እግር ውላድ፡ ፈረቅ መድሕን እግል ባርዕ 1-0 ተወደተው ዲቡ። ፍረቅ ዐዲ-ሮሶ ወመድሕን'መ እት ትልህያ ቀዳሚት 1-1 ፍኑቱያም ዐለው።

ምን ትልህያታት ውላድ እንዴ ይእንፈግር፡ ብድሆ ቀደም ወሐቅ ዕርፍ እብ ሮምዮ ዐብዱልረመጭ ሰለስ ጎል፡ ወእብ በረኽት መንግስትአብ ምርት ጎል እንዴ ረክበው፡ እግል እብ ናትናኤል ገብሬመድህን አሮ ጎል ዩቲም ለረክበ ፈረቅ ቶከር 4-1 ቀልበዎም።

እምበልሁመ፡ እት ትልህያ ሾሊቦል አዋልድ፡ ብድሆ እግል መድሕን 2-1፡ ዘረ እግል አልጌና 2-0 እት ቀልባህን፡ እት ናይ ውላድመ ብድሆ እግል አልጌና 3-1፡ ወዘረ እግል መድሕን 3-0 ሳርሐዎም።



ሾሊቦል ውላድ ጀብሀት ምፍጋር ጸሓይ

ወሌሰስተር-ሲቲ ምን ፕሪመርሊግ እት ካልኣይ ዲቪዝዮን ዲብ ልትከረዩ፡ ምን ካልኣይ ዲቪዝዮን እት ፕሪመር ሊግ ለትዐደ ፍረቅ ሀይ በርንለይ፡ ሼፊልድ ወሎቶን ታውን ቶም።

እትሊ ትልህያታት ናይ ሰነብት፡ ዌስትሃም እግል ሊድስ 3-1፡ ብሬንትፎርድ እግል ቶተንሃም 3-1፡ ማንቼዩድትድ እግል ምልቸስ 1-0፡ ኖቲንግሃም እግል አርሰናል 1-0፡ ብራይቶን እግል ሳውዝሞንተን 3-1፡ ወማንሲቲ እግል ቼልሲ 1-0 እት ቀላብም፡ ሲቪርፑል ወአስቶንሺለ 1-1፡ ምልቸስ ወኤቨርቶን 1-1፡ ክሪሰታል-ፓላስ ወፋልሃም 2-2፡ ወኒውካሰል ወሌሰስተር 0-0 ትፈናተው።

ስርጉል


እለ የም ፍጥሩተ፡ ለአምዕል ለአጅለ ኑዱል
አማን ወኤማን ሳምድ፡ ከእበ ቀደም ግንዱል
አስክ ጥዕመ በጼሕ፡ እት ዐንደለ ዕጉል
ሐዘት አጅያሉ ተ፡ ምን አፍ አልመ ግልጉል
ስመይ ዛፋተ ዐዱ፡ ትክራት ምን አፍ ግርጉር
ለዐበ እት ቀበተ ፡ ሐን ጽላለ ሽምጉል
ወለነእሽ ዝሕረታቱ ፡ እግል ዓቅቢተ ሽንጉል
ቃልየት ለወውል ቃልያም ፡ ቤዛሃ ቱ ስርጉል።

ኢለአከራ ዲቤ፡ ርሕብ ለአምር ወጽበ
እለ ክሉ ሰኒት ኖሱ እብ ልቡ እት ለዐቅበ
እግል ርሐ ኢለሐዱጉ ሰብ አያዲ ወቅበ
እበ ጥዑም ንሳሎም፡ ወኩብዶም እብ ዐረቅበ
እግል ንሰዴክ ልቡሉ፡ ህግየ እብ ተረቅበ
እግል ለአጥብወ እሉ ክመ ሰኒነት ምን ጥበ
እግል ለዓብወ እሉ፡ ክምሰል ዐድ አብዕበ
ክብ እግል ለአቡሉ፡ እግል ሊደወ እብ ምንክበ
ሐቅባተ እግል ለአብዝሐ፡ እንዴ ገብአው ትንክብ።

ትንክባሆም ለአምረ፡ ለሸረ በዜሕ ምን ድሰ
ኖሱ እት ሀለ ዐዱ ጋና እግል ለአትቃውሰ
እግል ልከንቱ ፍሬህ አስክ ለአከልሰ
እግል ለአግዕዝ አርዛቀ፡ ኩለ ዝሕረት ናይ ክርሰ
ወስርጉል ክሉእ ሐላላ፡ ክም ኢረዐ እት ወኢሐርሰ
ናይካ ኢኮን ግል ልትበህል፡ እብ ብዕድ እንዴ ትወረሰ
አለ ድቦ ተ እሉ፡ ምንኮር ወመንካሰ።

ደማኑ እት ኖሱ፡ እግል ብዕድ ኢልትዋለብ
ደብር ጽኖዕ ቱ ስርጉል ግምሽ ኢልትጃረብ
በዐል ጽጌዕ አዳል፡ ከአፎ ገብእ ልትቀረብ
ደንደን እብ ሐያቱ፡ ሕጌ ገቢል ወገለብ
ዲደባኑ እት ሶይራ፡ ግል ዓቅቢት ማን ወገለብ
ወሎሂ ገደም ለአተንሴ፡ ለበር ወበሐር ልትከለብ
ምንሕቱ እት ህሌት፡ ቅዝር ለእግሉ ትትሐለብ
ጋድሞታቱ እት ለሐርሴ፡ ለአርዛቅ ምኑ ልተረብ
ዝሕረተ እት ምድሩ ደሀብ ክዙን እት መኣከብ
እብ ኤማኑ እት ኑብር፡ ቴለል ምንመ ልትደንከብ
ሚ ሐገልኮ ቤለዮም፡ ከገብኦ እሉ መተንከብ።

እብሊመ ኢባሌ፡ በዐ'ለ ዐስር ፍጥር
ዶልክ ሐቱ እት ባስር፡ ደለ ስርጉል ተአበጥር
ምድር ወሰመ ለአትቃርብ እብ ሕሰይ እንዴ ለአትሳቅር
እማሚባት መእከይ መጥሕን ሐርብ እት ወቅር
ግል ኢትትፈረር ወኢትዲር አግቡየ እት ለሓጽር
ሕሳር ፈርድ እትክ ከእብ ሞራሁ በጥር።



ግሁፍ ናዩ ኢትከፍዩ፡ እት ኢሐዘቱ ልትቃረም
ኢቅሰመቱ ልርአዩ ኩሉ ለእግሉ ልትሐለም
ሐዘቱ እግል ለአግዝፍ ምን ኢናዩ እግል ልጭረም
ወበሐር ክምሰል ዐግም አስኩ እግል ልሸረም
እንዴ ኢበለዐ ተአገስዐ፡ ሐላል ለእቱ ትትሐረም
ኤርትራዲ፡ እብ ትብሽ ኢተሌ ክማ ወአት-ዐረም
ወስርጉልመ እብ አዝመ ዶልክ ኢልትዋለም።

ስርጉል በዝሐ ድመሉ፡ ክመ ዕልብ ጭገሩ
ቃውሁ ኢኮን ቀሪሙ ለአምር በዐል አከሩ
እት ልርአዩ እት አፍያቱ ክየድ አሰር እገሩ
ወእግል ኢሊሪሙ፡ ግሱይ እትለ ጀፈሩ
የም ምን መጽኡ እግል ልሸመሙ እት ሕፈሩ
ምን ደክሉ ስጉል ዶል ለነክሽ ከንፈሩ።

አያም አምሐጠጠት ዐስተረ፡ ቅብለት ከፊት ክም ዕራይ
ስርጉል ትምቱም እት ግኑ፡ ምዶል ገብአ መትድእላይ
በደ ዲመ እግል ለአብዴ፡ ወምን ለሐድግ እግል ሰራይ
ግብለት እሳተ አትቃርሐት፡ እት አዳም ለዴት ክም እራይ
ረድኡ ሰኒነ ወድ ግብለት፡ ወመንባሁ መግህራይ
ኮናት እት መቅጠን ጸር፡ እት ርሐ ረአየ ወድ ትግራይ።

ስርጉል! ሞት እት ርሐ ይአበዩ ኢኮን ለእሉ ልትዋነን
ወእሊ በዐል ደም ዲማሁ ምን አበን ጀደን
እብ ሰበቡ ቱ ማሚ ምን ዐድ ፈግረ እት ከደን
ወእብ ሰበቱ ሐግለየ ረህየት ለእግል ልትህገን
ከእበ እት ሸፍሩ መጽአዩ፡ እግሉ እት ቀሩ እግል ልድፈን
እለ ጤልማይ ገለዱ፡ ሕፍረቱ ትብረድ እቱ ወትሕፈን።

አይወ! አጅያል ሐድ ሚ አንበዐት እለ ሐዳረት አባሪት
ሺመት መማልክ አክሱም፡ ምዶል ገብአት ነባሪት
ክየድ ገብአት እት ቤተ፡ በዐ'ለ እዴ ጠራሪት
ክጅል ትገልበበተ፡ ክምለ ሸመት ጨጋሪት
አክር መአዋሃ ቱ ክኢነ ገብአት ማለሊት፡
ስርጉል እት እደይ ወደየ እት ገብኦ ዲቡ ለወለት
አተዐሰዮም ቀዳሚት፡ ወሐዘር ከረ ምን ሓሪት
ሕሰር ብዕድ የዐለ እሉ እለ ዐለት ለጋሪት
መረዊሆም አክረዮም፡ ከሐድገዮም በተሪት
ስርጉል እት ዐዱ አቅበሉ፡ ኤረትርየ በራሪት።

ሸር፡ ኢብራሂም መ/አድም (ወድ ሓጅ) ቅዋት በሐር ኤረትርየ

